

REFERAT AIA - Aningaasaqarnermut Inuussutissarsionermullu Ataatsimiititaq d. 09-02-2018

Mødedato Fredag d. 09. februar 2018 kl. 18:00

Mødested Kommunalbestyrelsep ataatsimiittarfia

Indholdsfortegnelse

Saqqaa.....	3
Oqaluuserisassat akuerineqarnerat.....	4
Nalunaarutit.....	5
Ilisimatitsissutit.....	7
Nunat Aqqinik Aalajangiisartunut ilaasortanik innersuussuteqarneq.....	8
Aaqqissuussaanerup ineriartortinneqarnissaanut suliniut, Tasiilaq.....	11
Piginnaasanik ineriartortitsinermut aningaasaliissutinik atuinerup killiffia.....	14
Aalajangiiffigisassat.....	18
Mary's Kitchen imigassanik kimittuunik kimikitsunillu sassaallernissa-mut akuersissummik type B	19
Tasiilami, Tiilerilaami, Kuummiini, Sermiligaami Kulusummilu imigassaq pillugu inatsimmik mali	22
Immikkut aningaasanik agguagassanik suliaqarneq.....	29
Nuummi Kofoeds Skolimut kiffartuussinissamik isumaqatigiissut.....	32
Nuummi Kofoeds Skolimi sinniisussanik siulersuisunillu toqqaaneq.....	36
Aalisarnermut tunngasumik suleqatigiisitami ilaasortanik toqqaaneq.....	39
Suliat Kommunalbetyrelsimut ingerlateqqitassat.....	42
Kommunimut pilersaarummut tapiliussamut 4E2-1-imut siunnersuut.....	43
2018-imut eqqakkat pillugit malittarisassiat nutaat.....	47
Nuup nutaamik Pingaarnertut Aaqqissuunneqarnera.....	52
Pisortanit ikiorsiissutinik tunniussisarnerup periusaanik allannguinnissamik siunnersuutip paasissutis	56
PANAM 2018-imut taperneqaqqinnissamut qinnuteqaat.....	59
Taasariaqartut allat.....	63
Suliat matoqqasut.....	64
Lukket.....	65
Lukket.....	66
Lukket.....	67
Lukket.....	68
Lukket.....	69
Lukket.....	70
Lukket.....	71
Lukket.....	72
Lukket.....	73
Lukket.....	74
Lukket.....	75
Lukket.....	76
Lukket.....	77
Lukket.....	78
Lukket.....	79
Lukket.....	80
Lukket.....	81

Punkt 0: Saqqaa

<p>Ilaasortat</p> <p>Aii Chemnitz Narup (IA), siulittaasoq</p> <p>Harald Bianco (IA)</p>
<p>Malene Lynge (IA)</p> <p>Henrik Rachlev (IA)</p> <p>Randi Vestergaard Evaldsen (D)</p> <p>Peter Davidsen
(S)</p> <p>Jens Kristian Berthelsen (S)</p>

Beslutning

Aggersinnaanatik nalunaartut:

Malene Lynge (IA) ataatsimiinnermut ilaasinnaanngimmat taartissatut aggeqquneqarsimavoq Uju Petersen (IA).

Oqarasuaatikkut ilaasut:

Harald Bianco (IA)

Henrik Rachlev (IA)

Punkt 1: Oqaluuserisassat akuerineqarnerat

Beslutning

Oqaluuserisassaq 04B aalajangiiffissanngorpoq.

Oqaluuserisassat allannguutissatullu siunnersuutit akuersissutigineqarput.

Punkt 2: Nalunaarutit

<p>2A. Siulittaasumit nalunaarutit</p> <p>2B. Ingerlatsivimmit nalunaarutit</p> <p> </p>

Beslutning

2A. Siulittaasumit nalunaarutit.

1. Januaarip 25-ianni politikkikkut ataqatigiissaarisartoqatigiit Ilulissani ataatsimiipput. Kommuneqarfik Sermersooq sinnerlugu borgmesteriugallartoq Nivi Olsen ataatsimeeqataavoq aammalu kommunaldirektøri, Meeqqanut Ilaqutariinnullu Ingerlatsivimmi pisortaq, Isumaginninnermut Suliffeqarnermullu Ingerlatsivimmi pisortaagallartoq. Oqaluuserisassani immikkoortut pingaarnerit tassaapput inersimasut angerlarsimaffeqanngitsut aammalu inuit tarnimikkut nappaatillit innarluutillit, utoqqaat aammalu meeqqanut inuusuttunullu tunngasut. Ataatsimiinnissaq sioqullugu, ullup aappaa avillugu qinikkat atorfillillu qulequttat pingaarnerit pillugit immikkut sammisaqartinneqarput.
2. Januaarip 27-ianni 2018 Aningaasaqarneq pillugu Siunnersuisoqatigiit soqutiginnittunut isumasioqatigiissitsipput. Isumasioqatigiissitsineq Nuummi Hotel Hans Egedemi ingerlanneqarpoq. Ukioq manna qulequttat pingaarnerit tassaapput aalisakkanik pisuussutinik aqutsineq nutaaliornissamut qaffassaanissamullu piginnaasanik ineriartortitsineq. Borgmesterip tullia siulleq aammalu Aningaasaqarnermut Inuusutissarsiornermullu Ataatsimiititami ilaasortat tamarmik qaaqquneqarput.
3. Februaarip 22-ianni Paamiuni Utoqqaat Illussaat nappaanersiorneqassaaq. Borgmesteri aammalu Isumaginninnermut Suliffeqarnermullu Ataatsimiititami siulittaasoq nalliussinermi najuutissapput.
4. Qinikkanut Allattoqarfimmi nunaqarfinnut siunnersorti erninerminut atatillugu sulinngiffeqarallareerluni suleqqilerpoq.
5. Inuusutissarsiornermut, Suliffeqarnermut Niuernermullu Naalackersuisoq Hans Enoksen borgmesterilu Aasi C Narup ulluni 5-6 marsi 2018 Tasiilami inuusutissarsiornermut suliffeqarnermullu isumasioqatigiissitsinissaamik pilersaaruteqarput.
6. Kommunit aqunneqarnerat pillugu inatsit nutaaq aamma Nuummi Najukkami Ataatsimiititaliortoqarnissaanik piumasaqaatitaqarpoq - suliaq aallartereerpoq.
7. Nuuk City Development aamma Meeqqanut Atuarfeqarnermullu Ingerlatsivik Danmarkimeeqqammerput, Nuup qeqqani meeqqat atuarfiannik nutaamik ASK-ip USK-illu taartissaannik atuarfiliornissamut atatillugu. Meeqqat atuarfittaassaasut pillugu pisussatut pilersaarusiorneq aallartereerpoq.
8. Transparency International Grønland (TIG) ukiup affaani kingullermi misissuititsisimavoq, Namminersorlutik Oqartussat kommunillu ingerlatseqatigiiffiutaanni siulersuisunik toqqaasarnermi sulineq qanoq ingerlasarnersoq pillugu. Maanna nalunaarusiamut siunnersuut pissarsiarineqarsimavoq, taamaammallu TIG suleqatigisanik/suliaqartunik, matumuuna Kommuneqarfik Sermersooq ilanngullugu ataatsimiigiaqqusisimavoq. Ataatsimiinneq februaarip arfineq-pingajuanni 18 ingerlanneqarpoq, ataatsimiinnermilu misissuititsisimaneq saqqummiunneqarpoq angusarineqarallartullu saqqummiunneqarlutik, kingornagullu suleqatit/suliaqartullu oqallitsinneqarput, misissuititsisimanermullu immersueqataallutillu innersuussuteqarlutik. Immersueqataanerit innersuussutillu TIG'p nalunaarusiamik naammassinninnissaanut sulinerani ingerlariaqqinnissamut atorneqassapput.
9. Februaarip arfernanni 2018, borgmesterip 2016-imili siunnersuutigisimasaatut, Isumaginninnermut Naalackersuisoq Sara Olsvig ataatsimeeqatigineqarpoq isumaginninnermi suliassaqartitsiniarluni suliffeqarfinnik pilersitsisoqarnissaanik pisariaqartitsisoqarnerisut pillugu, aammalu pilersitsisoqassappat suut anguniagassarineqassanersut. Tamanit isumaqatigiissutigineqarpoq suliffeqarfinnik tamakkuninnga pilersitsinissaq nunatsinni pisariaqartinneqartoq, aammali eqqartorneqarpoq sulisitsisut annertuumik inuiaqatigiinnut akisussaaffimmik takutitsillutik inunnik unamminartorsiortunik sulisitsinissamut pikkoriffeqartut piginnaangorsaaqqittarnermut peqqussut atorlugu. Aaqqissuussinermi sinaakktissat pilersinneqartariaqarnerat eqqartorneqarpoq aammalu pisortat namminersortullu piviusunngortitsiniarnermi suleqatigiittariaqarnerat eqqartorneqarluni. Erseqqissarneqarpoq Suliffeqarfiit immikkut inoqatinut unamminartorsiortunut suliffiusussat pilersinneqarnissaat sulisitsisunit namminersortunit ingerlanneqartariaqartut aammali inuiaqatigiinni paasinninnerup annertusarnissaa annertuumik suliassaasoq.

2B. Ingerlatsivimmit nalunaarutit.

- Ataatsimiititamut inuussutissarsiornermut tunngatillugu sulianik ingerlaavartumik saqqummiiffigineqartalernissaat nalunaarutigineqarpoq.

Punkt 3: Ilisimatitsissutit

Punkt 03A: Nunat Aqqinik Aalajangiisartunut ilaasortanik innersuussuteqarneq

Beslutning

Ilisimatitsissut tusaatissatut tiguneqarpoq.

Nunat Aqqinik Aalajangiisartunut ilaasortanik innersuussuteqarneq

Ilisimatitsissut

J.nr: 13.10

Suliffeqarfimmut Kiffartuussivik - Kommunaldirektøri Lars Møller-Sørensen / LMS

Suliassamik eqikkaaneq

Nunat Aqqinik Aalajangiisartut pillugit Inatsisartut inatsisaat nr 4, 1 juni 2017-imeersoq naapertorlugu Naalakkersuisut Kalaallit Nunaanni Nunat Aqqinik Aalajangiisartut (Nunat Aqqinik Aalajangiisartut) pilersissavaat, nunat aqqinik nalunaarsuisarnissaq, siunnersuisarnissaq aamma paasissutissiisarnissaq atuutsitaasussanillu atersuisarnissaq qulakkeerniarlugit.

Nunat Aqqinik Aalajangiisartunut ilaasortat tallimaapput, taakkunanga ilaasortat marluk, angut ataaseq arnarlu ataaseq, kommunit peqatigiillutik toqqagassatut innersuussutigissavaat.

Decembarip 20-iani 2017 Aningaasaqarnermut Inuussutissarsiornermullu Ataatsimiititami siulittaasup aalajangerpaa, Kommuneqarfik Sermersuumi Sumiiffinnik Atersuisartunut Ado Holm aamma Lene Kielsen Holm innersuussutigineqassasut.

Inassuteqaat

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Nunat Aqqinik Aalajangiisartut pillugit Inatsisartut inatsisaat nr 4, 1 juni 2017-imeersoq naapertorlugu Naalakkersuisut Kalaallit Nunaanni Nunat Aqqinik Aalajangiisartut (Nunat Aqqinik Aalajangiisartut) pilersissavaat, nunat aqqinik nalunaarsuisarnissaq, siunnersuisarnissaq aamma paasissutissiisarnissaq atuutsitaasussanillu atersuisarnissaq qulakkeerniarlugit.

Nunat Aqqinik Aalajangiisartunut ilaasortat tallimaapput, ilaasortallu toqqagaasassapput uku inassuteqarnerisigut:

- 1) Nunatta Katersugaasivia Allagaateqarfialu
- 2) Ilisimatusarfik
- 3) Kommunit peqatigiillutik
- 4) Aalisartut piniartullu peqatigiiffii
- 5) Asiaq.

Kattuffiit il.il. inassuteqartussat tamarmik qinigassanik marlunnik inassuteqartassapput, angut ataaseq arnarlu ataaseq. Innersuussutigineqartut aalajangersimasumik Kalaallit Nunaanni najugaqartuussapput, ilaasortallu ataasiakkaarlutik tamarmik piginnaasaqarfigissavaat aalajangiisartutut suliassaqarfinni sinniisuuffigisaminni immikkoortoq arlallilluunniit; nunami sumiiffiit, oqaluttuarisaaneq kulturilu.

Nunat Aqqinik Aalajangiisartunut ilaasortat ukiuni sisamani ilaasortaasartussatut toqqarneqartassapput, siullermik piffissami 1. januar 2018-imit 31. december 2021-mut atuuttussatut toqqaasoqassaaq.

Nunat Aqqinik Aalajangiisartut allattoqarfeqartinneqassapput; Oqaasileriffimmit. Oqaasileriffiup allattoqarfittut suliassat nalinginnaasut isumagissavai, tamakkununga ilanngullugit Nunat Aqqinik

Aalajangiisartut suliassaannik piareersaaneq, ataatsimiinnissanik piareersaaneq, Nunat Aqqinik Aalajangiisartut sulinerannik uppersaaneq aammalu Nunat Aqqinik Aalajangiisartut aalajangiinerinik atuutilersitsineq.

Aaqqiissutissatut siunnersuut – suliatigut naliliineq

Tamanna tunngavigalugu Ilinniartitaanermut, Kulturimut, Ilisimatusarnermut Ilageeqarnermullu Naalakkersuisoqarfiup Kommuneqarfik Sermersooq qinnuigaa Nunat Aqqinik Aalajangiisartunut ilaasortanik marlunnik toqqaqqullugu, angut ataaseq arnarlu ataaseq.

Kommuneqarfik Sermersooq piffissaliussap sivikitsuaqqap iluani, sapaatip akunnerata ataatsip iluani, politikikkut aalajangiiffigisassamik suliaqarnissaminut angumeqqussinnaasimangilaq.

Decembarip 20-iani 2017 Aningaasaqarnermut Inuusutissarsiornermullu Ataatsimiititami siulittaasup aalajangerpaa, Kommuneqarfik Sermersuumi Sumiiffinnik Atsersuisartunut Ado Holm aamma Lene Kielsen Holm innersuussutigineqassat.

Innersuussutigineqartoq Ilinniartitaanermut, Kulturimut, Ilisimatusarnermut Ilageeqarnermullu Naalakkersuisoqarfimmut nalunaarutigineqarpoq, aammalu kommunit innersuussutaat naapertorlugit, kommunit sinnerlugit Nunat Aqqinut Aalajangiisartunut ilaasortanik marlunnik Naalakkersuisut toqqaassapput.

Aningaasaqarnikkut sulisoqarnikkullu naliliinerit

Nunat Aqqinik Aalajangiisartunut ilaasortat Inatsisartuni Naalakkersuisunilu il.il. ilaasortat aningaasarsiaqartitaanerit il.il pillugit Inatsisartut inatsisaanni kapitali 7 naapertorlugu aningaasarsiaqartinneqassapput.

Inatsisitigut tunngavissaq allakkallu tunngaviusumik uppersaaitallit

Nunat Aqqinik Aalajangiisartut pillugit Inatsisartut inatsisaat nr. 4, 1. juni 2017-imeersoq

Ingerlariaqqinnissaq

Soqanngilaq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqaatinik pissarsiniartoqanngilaq.

Innuttaasunik peqataatitsineq/attaveqaqatigiinneq

Soqanngilaq.

Ingerlatsivinnit allaniit oqaaseqaatit

Soqanngilaq.

Ilanngussaq

Soqanngilaq.

Punkt 03B: Aaqquussaanerup ineriartortinneqarnissaanut suliniut, Tasiilaq

Beslutning

Ilisimatitsissut tusaatissatut tiguneqarpoq.

Aaqqissuussaannerup ineriartortinneqarnissaanut suliniut, Tasiilaq

Ilisimatitsissut

J. nr: 02.01.05

Suliffeqarfimmut Kiffartuussivik - kommunaldirektøri Lars Møller-Sørensen / LMS

Suliassamik eqikkaaneq

Piffissami sivisuumi kommunimi sulisunit, aammali Tasiilami innuttaasunit, illoqarfimmi kommunip aaqqissuussaannerani pitsanngorsaavigineqarnissaa kissaatigineqarpoq. Suliaqarfiit akimorlugit suleqatigiinnerit pitsanngorsaavigineqassapput innuttaasunullu sullissineq pisariillisarneqassalluni. Taamaattumik pisortaqtigiit Tasiilami kommunip aaqqissuussaana annertuumik pitsanngorsaaviginialugulu suliniut siulleq aallartippaat. Tasiilaq Kommuneqarfik Sermersuumi maligassiuusuunissaa siunertaavoq. Ingerlatsivinnit tamanit peqataaffigineqartumik suliat akimorlugit suleqatigiissitamik pilersitsisoqarpoq, saniatigullu siunnersortinik Deloitte-minngaannersunik suliakkiissuteqartoqarluni.

Inassuteqaat

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititamat inassuteqaatigaa:

- ilisimatitsissut tusaatissatut tiguneqassasoq.

Suliassamik saqqummiussineq

Aaqqissuussaannerup ineriartortinneqarnissaanut immikkoortuani siullermi illoqarfimmi kissaatigineqartut pisariaqartinneqartullu pillugit paasissutissanik katersisoqassaaq.

Suliami tulluuttunik siunnersuutissanik suliaqartoqarnissaa siunertaavoq:

- Ataatsimoortumik ingerlatsivik pisariinnerusoq,
- Maanna politikikkut susassaqrifiillu akornanni suleqatigiinnerit, inatsisit assigiinngitsut aqutseriaatsillu qulaajarneqarnerat,
- Illoqarfimmi sulisut toqqammavigalugit ingerlatsivik

Anguniakkat aalajangersimasut tassaapput:

- Tasiilami ataatsimut ingerlatsivimmup pingasunik ilutsinik suliaqarnissaaq, tassunga ilanngullugu aqutseriaatsimik pisariaqartinneqartut aallaavigalugit nalequssaanerit, aaqqissuussaannermi kulturi, suliarineqarsinnaasut aamma illup pisatsersorneqarnera
- Atuutilersinneqarnissaanut piffissamat pilersaarusiornissaaq.
- Aqutsinikkut kulturikkullu allannguutinik atuutilersitsinissamat suliap ingerlanneqarnissaanut pilersaarut.

Suliassat tulluuttut aalajangersimasut suliarineqassapput:

- Nuummi ulluni marlunni ullup affaanni suliat akimorlugit suliniummik suleqatigiissitaaq peqatigalugu isumasioqatigiissitsineq
- Workshoppennissamat piareersaatissatut Tasiilami aqutsisunik sulisunillu ulluni marlunni apersuineq.
- Tasiilami kommunip ingerlatsiviani sulisunut ulloq ataaseq workshoppertitsineq.
- Tasiilami innuttaasunut sammisumik ulloqartitsineq, tassani pisariaqartitsineq piginnaasallu pillugit paasissutissanik katersinissaaq siunertaavoq.
- Tasiilami inunnik pingaarutilimmik inissimasunik kiisalu oqartussaqrarfinniit allaniit, inuussutissarsiornerup iluaniit, soqutigisaqatigiinniit inuiaqatigiinnilu innuttaasunit inunnit 20 miss. apersuineq.

- Tasiilami kommunip ingerlatsivianit maanna sionatigullu aaqqissuussaannermit paasissutissanik, MTU-mik (sulisut iluarisimaarinninnerannik misissuineq), misissuineq

Aaqqiissutissatut siunnersuut – suliatigut naliliineq

Suliniutip immikkoortua siulleq pisariaqartitat aallaavigalugit pitsanngorsaannissamut toqqammavissatut atorineqarnissaa naatsorsuutigineqarpoq.

Aningaasaqarnikkut sulisoqarnikkullu naliliinerit

Deloitte-mit siunnersortinut ikiorteqarnermut 450.000 koruunit killiliunneqarput.

Inatsisitigut tunngavissaq allakkallu tunngaviusumik uppernarsaatitallit

-

Ingerlariaqqinnissaq

Tasiilami paasissutissanik katersineq februaarip qaammataani ingerlanneqassaaq. Suliniutip immikkoortua siulleq 2018-imi marsip naanerani naammassineqarnissaa naatsorsuutigineqarpoq.

Aningaasaqarnermut Allatseqarfimmit oqaaseqaatit

Soqanngilaq.

Innuttaasunik peqataatitsineq/attaveqaqatigiinneq

Innuttaasunut sammisunut sammisaqartitsinerit 2018-imi februaarip qiteqqunnerani ingerlanneqassapput.

Ingerlatsivinnit allaniit oqaaseqaatit

Soqanngilaq

Ilanngussaq/Ilanngussat:

Soqanngilaq

Punkt 03C: Piginnaasanik ineriartortitsinermut aningaasaliissutininik atuinerup killiffia

Beslutning

llisimatitsissut tusaatissatut tiguneqarpoq, imannak oqaasertoqalerlugu:

- Pikkorissaasarnerit sunniutaasa nalilersorneqarsinnaanissaanut suleriutsimik suliaqartoqarnissaa Aningaasaqarnermut Inuussutissaqarnermullu Ataatsimiititap pisortaqatigiit qinnuigai.

Piginnaasanik ineriartortitsinerlut aningaasaliissutit atuinertup killiffia

Ilisimatitsissut

J.nr.: 03.20.00

Suliffeqarfimmur Kiffartuussivik - kommunaldirektøri Lars Møller-Sørensen / LMS

Suliassamik eqikkaaneq

2016-imut missingersuutit akuersissutiginerinut atatillugu Kommunalbestyrelsen aalajangerpaa, ukiuni 2016, 2017, 2018 aamma 2019-imi kommunimi sulisut piginnaasaasa ineriartortinneqarnissaannut siunnerfilimmik immikkut ittumik aningaasaliissuteqartoqassasoq. 2016-imi 6. mio. kr., 2017-imi 3. mio. kr. aammalu ukiut tullinut marlunnut 2. mio. kr.

Aningaasaliissutit Sulisoqarnermut immikkoortortamit aqunneqarlutillu nakkutigineqarput, tassanilu arlalinnik aallartitsisoqarpoq, taakkununga ilanngullugit: Suliamik saqqummiussissummi matumani 2017-imi atornerqarneri atuinertu februarimit - decembarip 2017 tungaanut nassuiaatigineqassapput. Tamanna Aningaasaqarnermut Inuusutissarsiornermullu Ataatsimiititamat februaari 2017-imi killiffik pillugu nassuiaammur tapiliunneqarpoq.

Inassuteqaat

Suliffeqarnermut Kiffartuussiviup Aningaasaqarnermut inuusutissarsiornermullu Ataatsimiititamat inassuteqaatigaa:

- piginnaasanik ineriartortitsinissamur immikkut ittumik aningaasaliissutit atornerqarnerat pillugu killiffittut allaaserineqartoq tusaatissatut tiguneqassasoq

Suliassamik saqqummiussineq

2016-imut missingersuutit akuersissutiginerinut atatillugu Kommunalbestyrelsen aalajangerpaa, kommunimi sulisut ukiuni 2016, 2017, 2018 aamma 2019-imi piginnaasaasa ineriartortinneqarnissaannut siunnerfilimmik immikkut ittumik aningaasaliissuteqartoqassasoq. 2016-imi 6. mio. kr., 2017-imi 3. mio. kr. aammalu ukiut tullinut marlunnut 2. mio. kr.

Aningaasaliissutit Sulisoqarnermut immikkoortortamit aqunneqarlutillu nakkutigineqarput, tassanilu arlalinnik aallartitsisoqarpoq, taakkununga ilanngullugit: Suliamik saqqummiussissummi matumani 2017-imi atornerqarneri atuinertu nassuiaatigineqassapput. Tamanna Aningaasaqarnermut Ataatsimiititamat februaari 2017-imi killiffik pillugu nassuiaammur tapiliunneqarpoq.

Aqutsisunur sulisunullu piginnaasanik ineriartortitsineq

Aqutsisut sulisunullu 2017 februarimit – decembari 2017 tungaanut piginnaasanik pikkorissartinnerit modulikkaartut sivikinnerit sivisunerillu 180-t ingerlatereerpaat

- Pisortaqatigiinnur aqutsisutur ineriartortitsineq
- Immikkoortuni pingasuni aqutsisutur ineriartorneq pillugu pikkorissarneq
- Immikkoortuni pingasuni pilersaarusiordermi aqutsisutur pikkorissarneq
- Immikkoortuni pingasuni pilersaarusiordermi siunnersortitut pikkorissarneq
- Sullissisutur pikkorissarneq - sulisoqarnermut inatsisilerineq
- Sulisut sullissanur salliusut kiffartuussinermut pikkorissarneq
- Suliffeqarfiup iluani ilinniartitsisunik pikkorissaanerur pikkorissarneq
- Aaqqiagiinngissutsinik suliaqartarneq.
- Kiffartuussinerup aqqani suliaqartarneq

- Attaveqatigiinneq qajannaannissarlur
- IT tunngaviatigut ilinniarnera
- Aqutsisunut MUS/LUS
- Pisut tunngavigalugit aqutsineq
- Attaveqatigiinneq akuersaartoq
- Aqutsisutut pikkorissarneq sioqqullugu
- Ataatsimiinnermik siulersuineq
- Pitsaanerumik allagit

2017-imi Nuup avataani sulisunut iliuuseqarnerit

Ulluunerani aqutsisunut aqutsisut ineriartortinnissaannut atatillugu Tasiilami Paamiunilu aqutsisunut pikkorissaaneq malitseqartinneqareerpoq. Tasiilami ukiarmi sulisunut 24-nut attaveqatigiinneq ningussuserlu pillugit pikkorissaasoqarpoq. Aqutsisut sulisullu Nuup avataaniittut ilaatigut Nuummi pikkorissartittunut peqataasarput

2017-imi aningaasaliissutit atornerarneri

Ataatsimut isigalugu 2017-imi aningaasaliissutinit atornerarput DKK 1.800.000 mio. Februaarip qaammataa 2017 aningaasaqarnermut ataatsimiititamut 500.000 kr killiffittut nassiunneqarput. Immikkut ittumik piginnaanermut tunngatillugu pikkorissaanernut agguagassat 600.000 koruunit periutsip ineriartortitsinermullu siunnersortimik atorfinitsitsinermut atornerarput. Februaarimit - decembarimut 2017, 700.000 koruunit piginnaaningorsarnermut atornerarput.

Anguniarneqartoq tassaavoq - sapinngisamik - sulisut kissaataat pisariaqartitaallu naapertorlugit atituumik siunnerfilimmillu pikkorissarnissanik neqerooruteqarnissaq, aammalu kommunimi pingaarnertut suliassanik isumaginninnissamut ikorfartuutaasussanik.

Inatsisitigut tunngavissaq allakkallu tunngaviusumik uppersaataitallit

Kommunip periusissiaa "Sermersuaq ikaarlugu – siunissaq ataatsimoorullugu", Aqutsisut (kommunimi allaffimmi aqutsisunut ilinniartitsinissamik pilersaarut) aammalu piginnaangorsarnermut periusissiaq, Aningaasaqarnermut Ataatsimiititap juunip 30-anni 2016-imi akuerineqartoq.

Ingerlaqqinnissaq

2018-mut aningaasaliiffigisat atornerarnissaat

2018-mi piginnaangorsarnermut aningaasat 2 mio-ninngorlugit ikilineqarput Aqutsisut ineriartortinnissaat suli sammineqassaaq, sullissinissaq, pikkorissarnernik siammasissumik soorlu assersuutigalugu attaveqatigiinneq, aaqqiagiinnginnermi iluarsisinnaassuseq, pilersaarutiniq aqutsineq, IT-llu tunngasunik pikkorissaaneri. Tamanna piginnaangorsarnermut periusissiaq akuersissutigineqareersoq tunngavigalugu piginnaasat nalinginnaasut iluini kivitsinissaq anguniarneqarpoq kommunimi suliassat pingaarnertut qaffanneqarnissaat anguniarlugu taamaalillunilu qulakkearnarneqarpoq innuttaasunut kiffartuussineq pitsaaneq. Kommuneqarfik Sermersooq Pisortaqarfittut ataatsimut piginnaasat ineriartortinnissaannut tunngatillugu peqataavoq, (FOKU) tamanna isumaqarpoq pikkorissarnerit aningaasartuuteqarpallaarata ingerlassinnaagippat.

2018-mi "Nunani Avannarlerni piginnaasanik ujartuineq" piginnaasanik ineriartortitsinermut suliniut Savalimmiuni Vagur kommune Danmarkimilu University Collage Syd suleqatigalugit aallartissaaq. Suliniut Kommuneqarfik Sermersuup piginnaangorsarnermut periusissiaq atulerneranit ilaavoq. Suliniummi aqutsisut arfinillit tamarmik immikkut marlunnik piginnaasallit peqataatinneqarput. Piginnaanillit ujartorlugit, aqullugit ineriartortillugillu sulisoqarpoq. Peqataasut immikkoortortaminni suliassanik suliqaassappat nammineq aqutsisumit isumaqatigiissuteqarfiginnereernerup kingorna.

Suliniutip ilinniartitseriaatsit assigiinngitsut attaveqaateqarnerlu misilerartarpaat siunissaq ungasinnerusoq eqqarsaatigalugu inoqarfiit innuttakinnerusut piginnaasanik ineriartortinnissaat neqeroorutigilluarnissaat siunertaralugu. Suliniutip aqunneqarnera ineriartortinneqarnissaalu pillugit Avannaamioqatigiinni Ministerit siunnersuisoqatigiiffianit NORDPLUS aningaasanik agguagarsiassanik tapersersorneqarpoq tamatuma saniatigut piginnaanernit tunngasut suliniutit pillugit aningaasartuutit angalanernullu aningaasartuutit piginnaanernik agguagassarsiat atorlugit matussuserneqassapput. Nordplus angalanernut aningaasartuutinik utertitsineq pillugu maleruagassaat imaappoq, taamaallaat Tasiilamut angalanernut aningaasartuutit ilaannaat matussuserneqartarput Paamiunulli angalanernut aningaasartuutit matussusernagit.

Aningaasaqarnermut Allatseqarfimmit oqaaseqaatit

Aningaasaqarnermut immikkoortortaqqarfik qulaani allagaq innersuussutigaa iluaraalu Kommuneqqarfik Sermersuup aqutsisui sulisuilu taama amerlatigisut pikkorissarnernut assigiinngitsunut peqataasimanerat.

Innuttaasunik peqataatitsineq/attaveqaqatigiinneq

Soqanngilaq.

Ingerlatsivinniit allaniit oqaaseqaatigineqartut

Soqanngilaq.

Ilanngussaq

Soqanngilaq.

Punkt 4: Aalajangiiffigisassat

**Punkt 04A: Mary's Kitchen imigassanik kimittuunik kimikitsunillu
sassaallernissa-mut akuersissummik type B-mik qinnuteqaat**

Beslutning

Inassuteqaat akuerineqarpoq.

Mary's Kitchen imigassanik kimittuunik kimikitsunillu sassaallernissamut akuersissummik type B-mik qinnuteqaat

Aalajangiiffigisassaq

J.nr. 70.06.00

Suliffeqarfimmut Kiffartuussivik - kommunaldirektøri Lars Møller -Sørensen / LMS

Suliassamik eqikkaaneq

Imigassanik kimittuunik kimikitsunillu sassaallernissamut akuersissummik Type B-mik Mary's Kitchen H.J. Rinksvej 43 B 996, 3900 Nuuk sinnerlugu Maricel Catalan Hansen-ip, qinnuteqaataa Qinikkanut Allatseqarfiup tiguaa.

Inassuteqaat

Suliffeqarfimmut Kiffartuussiviup Aningaasaqarnermut Inuusutissarsiornermullu Ataatsimiititumut inassuteqaatigaa:

- Mary's Kitchen imigassanik kimittuunik kimikitsunillu sassaallernissamut akuersissut type B pillugu qinnuteqaat akuersissutigineqassasoq.

Suliassamik saqqummiussineq

Imigassanik kimittuunik kimikitsunillu sassaallernissamut akuersissummik Type B-mik Mary's Kitchen sinnerlugu Maricel Catalan Hansen-ip qinnuteqaataa Qinikkanik Allatseqarfiup tiguaa.

Mary's Kitchen-imiit paasitinneqarpugut pingaarnertut siunertaralugu neriniartarfiunissaq/café-unissaq, allatseqarfiulli nerisassat allattorfia malillugu café-tut nalilerneruaa kiisalu maluginiarlugu najugaqarfiit kiisalu timersortarfiup qanittuani inissisimanagera.

Qatserisartoqarnermut oqartussaasut sumiiffik takuniarpaat oqaaseqaatissaqanngillallu.

Imigassanik tuniniaanissamut akuersissummumut siullermeerluni qinnuteqarnermi paasissutissat pisariaqartut tamaasa Qinikkanik Allatseqarfimmiit tiguneqareerput.

Inatsilerituumit nassuiaat naapertorlugu, itigartitsisoqartarnerani itigartitsissutip aallaaviatigut qaqugu Kommunalbestyrelsimiit nalunaarutigineqassanersoq allaaserineqarpoq:

- Suliffeqarfinni kantiinat imigassaqaqarfiussanngillat
- Innuttaasunut illut ataatsimoortarfiusut imigassallerfiussanngillat
- Cafeteriat, kaffisorniarfiit aamma grillbarit assigisaallu imigassanik kimittuunik sassaalluteqartussaasariaqanngillat. Taamaattorli sassaalliisartut imigassanik kimikitsunik sassaallertarnissaannut Kommunalbestyrelsimiit aalajangerneqarsinnaavoq.

Inatsilerituutaaq nassuiaatigaa, ingerlatsisussaataa nerimut assigiimmik tunngaveqarnissaq Kommunalbestyrelsimiit qanoq unioqqutitsisoqarani saneqqunneqarsinnaanersoq:

- Najugaqarfiit eqqaanni sassaalliisarfiit nutaat Kommunalbestyrelsimiit illoqarfiup pilersarusiorneqarnera naapertorlugu itigartissallugit nalunaarfigisinnaavai
- Sumiiffinni arlalinnik sassaalliisarfeqartoqarpat Kommunalbestyrelsimiit itigartitsissutigineqarsinnaavoq, assersuutigalugu nutaamik sassaalliisartoqalerpat akuersissutinik peqartut akornanni unammillernissaasa annertusinissaat taamaalillutillu sakkortuumik sassaalliiniarnerat pisinnaasoq annilaanngatigineqarsinnaammat.

Pisuni allani imigassartunnginnermik siuarsaanissamut tulluurtuusut inuiaqatigiinnut sammisumik ataqatigiittoqarnera tunngavigalugu Kommunalbestyrelse aalajangiisassaaq:

- Inuit ataatsimoortarfeqarnerat tungavigalugu Kommunalbestyrelsimit itigartitsisoqarsinnaavoq, sassaalliiniartut assersuutigalugu timersortarfiit assigisaasalu allat qanittuanni inissisimappata, taakuummatami inuusuttunit ornigarneqarluartut.

Aaqqiissutissatut siunnersuut – suliaticigut naliliineq

Imigassanik akuersissuteqarnissamut siullermeerluni qinnuteqarnermi paasissutissat pisariaqartut tamaasa pissarsiarineqareerput. Qinikkanik Allatseqarfik sinnerlugu Maricel Catalan Hansen, imigassanik kimittuunik kimikitsunillu sassaallernissamut akuersissummik type B-mik tunineqarnissaanut piunasaqaatit naammassineqartutut nalilerneqarpoq, taamaatorli maluginiarneqassaaq sassaalliisarneq ingerlanneqassamat najugaqarfiit kiisalu timersortarfiup eqqaanniit.

Aningaasaqarnikkut sulisoqarnikkullu naliliinerit

Kommuneqarfik Sermersuumut aningaasatigut sulisoqarnikkullu kinguneqarnaviangilaq.

Inatsisitigut tungavissaq allakkallu tungaviusumik uppernarsaatitallit

- Imigassanik aalakoornartortalinnik nioqquteqartarneq sassaallertarnerlu pillugit Inatsisartut inatsisaat nr. 11, 11. november 2000-imeersoq aamma Inatsisartut inatsisaat nr. 3, 31. maj 2001-imeersoq
- Init imigassanik aalakoornartulinnik nioqquteqartarfiit sassaallertarfiillu aaqqiissuunneqarneri atorneqarnerilu pillugit Namminersornerullutik Oqartussat Nalunaarutaat nr. 19 ulloq 29. marts 1990-imeersoq
- Imigassanik nioqquteqarsinnaanermut akuersissutit pillugit Namminersornerullutik Oqartussat Nalunaarutaat nr. 4 ulloq 29. maj 1992-imeersoq
- Kommuneqarfik Sermersuumi imigassamik aalakoornartortalinnik nioqquteqartarneq sassaallertarnerlu pillugit Namminersorlutik Oqartussat nalunaarutaat nr. 4, 4. marsi 2011-meersoq

Ingerlariaqqinnissaq

Aningaasaqarnermut Inuusutissarsiornermullu Ataatsimiititap akuersissuteqarneratigut malittarisassat periutsillu atuuttut naapertorlugit Mary's Kitchen sinnerlugu Maricel Catalan Hansen-ip imigassanik kimittuunik kimikitsunillu sassaallernissamut akuersissummik type B-mik qinnuteqaat tunineqassaaq. Qinikkanik Allatseqarfiup imigassanik tuniniaasinnaanermut sassaallertarnermullu akuersissutinut atatillugu allaffissorneq akisussaaffigaa.

Aningaasaqarnermut Inuusutissarsiornermullu Ataatsimiititap itigartitsissutigissappagu qinnuteqaateqartoq Qinikkanik Allatseqarfimmiit aalajangiineq pillugu ilisimatinneqassaaq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqaatinik pissarsiniartoqanngilaq.

Innuttaasunik peqataatitsineq/attaveqaqatigiinneq

Soqanngilaq.

Ingerlatsivinniit allaniit oqaaseqaatigineqartut

Soqanngilaq.

Ilanngussaq

Soqanngilaq.

Punkt 04B: Tasiilami, Tiilerilaami, Kuummiini, Sermiligaami Kulusummilu imigassaq pillugu inatsimmik malinnittoqarneranik nakkutilliinermut oqartussaasut nalunaarutaat

Beslutning

Aningaasaqarnermut Inuussutissarsiornermullu Ataatsimiititap aalajangiuppaa Peqqinnissaqarnermut Naalakkersuisoqarfimmut nakkutilliinermut nalunaarummut tunngatillugu saaffiginnittoqassasoq. Tassani tikkuartorneqassallutik nakkutilliinermut nalunaarummi ersarissumik tigussaasunillu uppersaatilinnik saqqummiisoqannginnera aammalu politiinut tunniussisoqarsimannginnera, taamaalilluni ataatsimiititaq kinguneqartitsisinnaanngimmat.

Aningaasaqarnermut Inuussutissarsiornermullu Ataatsimiititap suliat uparuarneqartut erloqinartutut isigai taamaammallu aamma nammineq nakkutilliisalernissaq pisariaqartutut nalilerlugu.

Bilag

Bilag 1 Billeder fra Restaurant Red House (2).jpg

Bilag 1A Billeder fra Restaurant Red House (3).jpg

Bilag 1B Billeder fra Restaurant Red House.jpg

Bilag-2_Udtalelse-fra-Klubben_DK.19518.docx_kal.docx

Bilag-3_Udtalelse-fra-Arctic-Wonderland_DK_19520_kal.docx

Tasiilami, Tiilerilaami, Kuummiini, Sermiligaami Kulusummilu imigassaq pillugu inatsimmik malinnittoqarneranik nakkutilliinermut oqartussaasut nalunaarutaat

Ilisimatitsissut

J.nr.: 70.06.00

Suliffeqarfimmut Kiffartuussivik - kommunaldirektøri Lars Møller-Sørensen / LMS

Suliassamik eqikkaaneq:

Peqqissutsimut Naalakkersuisoqarfimmi Nakkutilliinermut oqartussaasut ilisimatitseqqaaratik Tasiilami nunaqarfiinilu (Isertoq minillugu) juulip aallaqqaataaniit arfineq-pingajuannut 2017 nakkutilliartorput.

Aningaasaqarnermut Inuussutissarsiornermullu Ataatsimiititap 14. december 2017 aalajangiinera tunngavigalugu, Suliffeqarfimmut Kiffartuussiviup akuersissutinik pigisaqartut, annikitsunik unioq-qutitsisimasut allakkatigut attaveqarfigai, piumaffigalugillu Nakkutilliinermut oqartussaasut nakkutilliartornermi nalunaarusiami uparuarneqartunik iluarsissuteqaqqullugit. Piumasaqaat ima ilusilernerqarpoq, tassunga peqatigitillugu piumasarineqarluni kingusinnerusukkut peqqussuteqartoqaqqissagaluarpat imigassaq pillugu inatsimmi § 27 imm 1 naapertorlugu siumoortumik ilimasaarutinik naammassinnittoqarnissaa. Akuersissutinik piginnittut aamma Nakkutilliinermut oqartussaasut nalunaarusiaannut oqaaseqaateqarnissaannik periarfissinneqarput.

Tamatuma saniatigut Suliffeqarfimmut Kiffartuussiviup "Klubben" B-151 aamma Arctic Wonderland Ltd A/S B-107 attaveqarfigai Nakkutilliinermut oqartussaasut takusimasaannut oqaaseqaateqarsinnaasut.

Ataaniipput oqaluttuassartaa akuersissutinillu piginnittut killiffissiorneri.

Inassuteqaat

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititamat inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Peqqissutsimut Naalakkersuisoqarfimmi Nakkutilliinermut oqartussaasut ilisimatitseqqaaratik Tasiilami nunaqarfiinilu (Isertoq minillugu) juulip aallaqqaataaniit arfineq-pingajuannut 2017 nakkutilliartorput.

Aningaasaqarnermut Inuussutissarsiornermullu Ataatsimiititap 14. december 2017 aalajangiinera tunngavigalugu, Suliffeqarfimmut Kiffartuussiviup akuersissutinik pigisaqartut, annikitsunik unioq-qutitsisimasut allakkatigut attaveqarfigai, piumaffigalugillu Nakkutilliinermut oqartussaasut nakkutilliartornermi nalunaarusiami uparuarneqartunik iluarsissuteqaqqullugit. Piumasaqaat ima ilusilernerqarpoq, tassunga peqatigitillugu piumasarineqarluni kingusinnerusukkut peqqussuteqartoqaqqissagaluarpat imigassaq pillugu inatsimmi § 27 imm 1 naapertorlugu siumoortumik ilimasaarutinik naammassinnittoqarnissaa. Akuersissutinik piginnittut aamma Nakkutilliinermut oqartussaasut nalunaarusiaannut oqaaseqaateqarnissaannik periarfissinneqarput.

Tamatuma saniatigut Suliffeqarfimmut Kiffartuussiviup "Klubben" B-151 aamma Arctic Wonderland Ltd A/S B-107 attaveqarfigai Nakkutilliinermut oqartussaasut takusimasaannut oqaaseqaateqarsinnaasut.

Aaqqiissutissatut siunnersuut – suliatigut naliliineq
Nunaqarfinni Pilersuisoq aamma Tasiilami Pilersuisoq:

Oqaluttuassartaa: Soqanngilaq

Killiffik: Suliffeqarfimmut Kiffartuussiviup Pilersuisoq attaveqarfigereerpaa, tassanngalu nalunaarutigineqarpoq Nakkutilliinermut oqartussat uparuagaat iluarsineqareersut. Tamatuma saniatigut Pilersuisoq sulisuminnut erseqqissaateqarsimavoq, imigassaq pillugu inatsit malinneqassasoq.

Hotel Angmagssalik v/Arctic Wonderland Tours Ltd A/S:
Oqaluttuassartaa: Soqanngilaq

Killiffik: Suliffeqarfimmut Kiffartuussivik Hotel Angmagssalik-mit oqaaseqaammik pissarsinngilaq.

Restaurant Red House:
Oqaluttuassartaa: Soqanngilaq.

Killiffik: Restaurant Red House neriniartarfimmi allagartaliisimavoq inunnut aalakoorpallaartunut sassaalliineq inerteqqutaasoq aammalu inunnut 18it inorlugit ukiulinnut imigassamik kimittuumik tuniniaaneq/sassaalliineq inerteqqutaasoq, ilanngussaq 1 takuuk assitaqarpoq.

Kulusummi Mittarfik

Oqaluttuassartaa: Soqanngilaq

Killiffik: Nakkutilliinermut nalunaarusiami atuarneqarsinnaavoq, Kulusummi Mittarfik imigassamik kimittuumik tuniniaasinnaanermut sassaallersinnaanermullu akuersissummik kukkusumik peqartoq. Suliffeqarfimmut Kiffartuussiviup Kulusummik Mittarfik attaveqarfigaa imigassamik kimittuumik tuniniaasinnaanermut sassaalliisinaanermullu akuersissummik sorlermik peqassaner-soq pillugu.

Aamma Peqqissutsimut Naalackersuisoqarfiup erseqqissaatigaa, Kulusuup Mittarfia imigassamik kimittuumik 15 volumenprocen qaangerlugu kimittutigisunik tuniniaaqqusaananilu sassaalliiffigineqassanngitsoq Kommuneqarfik Sermersuumi imigassamik kimittuumik tuniniaaneq sassaalliinerlu pillugit Namminersorlutik Oqartussat nalunaarutaanni nr.4, 4 marts 2011-imeersumi § 2 naaper-torlugu. Suliffeqarfimmut Kiffartuussiviup suliaq inatsisilerituumut avataaneersumut naliliiffigineqar-tussanngorlugu suliakkiutigaa.

"Klubbi":

Oqaluttuassartaa: Decembari 2012imi politiit Kommuneqarfik Sermersuumut saaffiginnissuteqarput "Klubben"-imi akuersissummik piginnittoq imigassaq pillugu inatsimmi piumasaqaatinik assigiinngit-sunik unioqqutitsisimanerarlugu nalunaaruteqarlutik. Politiit ilaatigut imaattumik inerniliipput:

- Imerniartarfiup isaariaa suliffeqarfiullu silataaniittut eqqiluitsuutinneqanngillat.
- Imerniartarfik naammattunik matulerisinnaasunik sulisoqanngilaq, tassami politiit arlaleriarlutik paasinikummassuk ukiukitsut 18it inorlugit ukiullit imerniartarfimmiittartut, allaallu sassaalliiffigineqartartut.
- Inuk ataaseq "Klubben"-ip silataani toqungasoq nassaarineqarpoq. Pineqartoq "Klubben"-ip matunissaata tungaanut isersimasimavoq.

2013imi februaarimi Kommuneqarfik Sermersooq Tasiilami innuttaasut ilaannit "Klubben" pillugu naammagittaalliummik nassiussarsivoq. Naammagittaalliut Kommunalbestyrelsimut nassiunneqar-poq, naammagittaalliummilu ima allassimasoqarpoq:

- Februaarip aappaani ukiukitsut, suli apersortinneqanngitsut, imerniartarfimmiippat

- Matulerisoqanngilaq

Imerniartarfik "Klubben" 2013-imi imigassamik kimittuumik tuniniaasinnaanermut sassaallersinnaanermullu akuersissummik nutarterinissamik qinnuteqaateqarmat, Kommuneqarfik Sermersooq politiiit imaattumik nassuiaateqarfigineqarpoq:

Politiit februaari 2013-imi imerniartarfimmik nakkutilliaratoramik imaattunik paasisaqarput:

- Nerrivinni assigiinngitsuni marlunni inuit artuleqqasut marluk
- Ukiukitsoq imerniartarfimmiittoq immiaarartortoq Piginnittoq imerniartarfiuteqarneq pillugu inatsimmik unioqutitsisimasutut pasineqarpoq, suliallu kingunerisaanik akiliisinneqarpoq
- Aamma politiit ukiukitsumik, aalakoortumik, "Klubben"-ip tummeraasa tigummivianniittut ammut ajanneqarpoq, tummeqqat arfinillit assakattarfigalugit ristimut saviminermut tukkami ajoquserujussuassutigisaminik

Aningaasaqarnermut Ataatsimiititaliap ulloq 14 november 2013 "Klubben"-ip imigassamik kimittuumik tuniniaasinnaanermut sassaallersinnaanermullu nutarterinissamik qinnuteqaataa oqal-uuseraa. Aningaasaqarnermut Ataatsimiititaliap qinnuteqaat itigartitsissutigaa aalajangiinermilu naqissuserlugu pingaartinneqarpoq politiit nalunaarutaat, taakkununga ilanngullugit pingaartumik ukiukitsunut imigassamik aalakoornartortalinnik sassaalliinermut unioqutitsisoqarsimanera. Nalunaarutigineqartut asuliinnaannginnerinik ataatsimoortumik naliliineq aallaavigalugu nalilerneqarpoq, "Klubben" piffissami akuersissuteqarfiusumi qaangiuttumi naammaginartumik ingerlanneqarsimanngitsoq, aammalu eqqarsaqqajaanartoq, akuersissummik piginnittoq siunis-sami naammaginartumik, akisussaassuseqartumik illersorneqarsinnaasumillu suliffiutiminik inger-latsisinnaanaviangitsoq.

Tamatuma kingunerisaanik akuersissummik pigisaqartoq Peqqissutsimut Attaveqaateqarnermullu Naalackersuisoqarfimmut naammagittaalliuteqarpoq imatullu allagaqarluni:

- Akuersissummik pigisaqartoq imigassamik tuniniaasinnaanermut sassaalliisinnaanermullu akuersissummik pigisaqartutut imerniartarfimmi iliuitsinut akisussaatinneqarpoq, akuersis-summik pigisaqartup oqartussaaffeqarfiata avataaniittunut, tassunga ilanngullugu piner-luuteqarsimasinnaanermut tunngasunut.
- Imigassamik tuniniaasinnaanermut sassaallersinnaanermullu akuersissummik qinnute-qaatip itigartitsissutiginerani pisimasutut allassimasat pereerput
- Imerniartarfik ingerlaannarpat Tasiilamut inuiaqatigiinnut aningaasatigut iluaqutaassaaq.

Naalackersuisoqarfiup pissutsit piviusut innersuussutigalugit imigassamik tuniniaasinnaanermut sassaalliisinnaanermullu akuersissutip nutarterneqarnissaanut inatsisitigut tunngavissaqanngitsoq isumaqarfigaa.

Suliamut tunngatillugu paasisutissanik nutaanik saqqummersoqanngimmat, akuersissutip nutar-terneqarnissaa Kommuneqarfik Sermersuumit itigartitsissutigineqarpoq.

"Klubben"-ip imigassamik tuniniaasinnaanermut sassaalliisinnaanermullu akuersissutip 2016 nu-tarterneqarnissaanik qinnuteqaataanut atatillugu politiit oqaaseqaatigaat, 2015imi annikitsumik pisoqarmat politiit orniguttariaqarsimasut, tamannalu akuersissummik pigisaqartumut oqaaqqissaarutigineqarsimasoq.

Klubben imigassamik tuniniaasinnaanermut sassaalliisinnaanermullu akuersissutiminik nutarte-rinissamut akuerisaavoq.

Killiffik: Suliffeqarfimmut Kiffartuussiviup "Klubben"-imit oqaaseqaammik tigusaqarpoq, "Klubben"-imi sulisoq nakkutilliaratorsimaneq pillugu oqaaseqaateqarluni. Ilaatigut tassani ima allassimasoqarpoq:

”(...) Ammanerani ukiukippallaartunik isersimasoqarnersoq alaatsinaanneqarpoq, matulerisorlu Klubbenip ammanerani angalaarluni nakkutillijuarpoq. Imerniartarfimmi isersimasut, perusuersartarfiit imerniartarfiullu silataa matulerisumit nakkutigineqartuaannarput, taassumammi tummeqqani imerniartarfiup silataaniittuni imerniartarfiullu eqqaani immiaaqqanik qillertuusarmiunik imigassanillu allanik aalakoornartortalinnik imertoqaqqusaanngimmat taakkuninnga imertoqarnersoq alaatsinaattussaavaa, inuimmi imerniartarfiup silataani erngukkaangata imerniartarfimmik piginnittumit nuannarineq ajormat.

(...) Imerniartarfimmilu isersimasartutoqqat amerlanerpaartai ilisarissimalluarpavut taamatuttaaq sulisuusugut inuusuttuusugut imerniartarfimmi isersimasartut 18-ileereersimasuusut kikkunersut naluneq ajorparput kiisalu inuit imerniartarfimmut siullerpaamik isertut 18-ileereersimasuunissaat qulakkeerumallugu kinaanermut uppersaammik assitalimmik nassataqarsimanngikkaangata aalleqqusarpavut, 18-ileereersimanerminnullu uppersaammik takutitsisinnaanngikkaangamik ingerlaqqusarpavut. (...).

(...) Inatsimmi allassimasut naapertorlugit imerniartarfimmi isersimasut artulersimagaangata anisineqartarnissaat piumasaqaataangilaq. Nuannisarnissaammi qulakkeerumallugu nalunaaquttapakunnerata affaanik sivisussusilimmik sinitseriarlugit itersarlugit anisitsinermi pitsaanerusarpoq, taamaalioraannilu imerniartarfimmi perullulioortoqannginnerusarmat. Perullulioortarnerillu pinaveersaartikkusullugit imerniartarfimmik piginnittoq taamaalioortoqartarnissaanut akuersinikuuvoq, isersimasut nalunaaquttapakunnerata affaanik sivisussusilimmik sinitseriarlugit itersarlugit anisitsinermi pitsaanerusarpoq. Isersimasullu ilaat pallunngaviusami sinittoq sulisunit arajutsineqarsimammat nakkutilliisunit nalaatsornerinnakkut naammattoorneqarpoq, artulersimasummi ajoquserorneqannginniassammata isersimasunullu allanut ajoqutaaqqunagit issiavimmut ingiseriarlugit teqeqqumut nuuttarpavut. (...).”

Takuuk ilanngussaq 2 ”Klubben” imit tamakkiisumik oqaaseqaataasoq.

Suliffeqarfimmut Kiffartuussiviup ”Klubben” attaveqarfigaa akuersissummillu piginnittumut imigassaq pillugu inatsit malinneqassasoq sakkortuumik piumasaralugu. Akuersissummik piginnittumut makku erseqqissaassutigineqarput:

- Aalakkutsitsisoqarniassanngilaq
- Inuit imerniartarfimmi sinissanngillat
- Matulerisoqassaaq
- Inuit 18-it inorlugit ukiullit sassaallerfigineqassanngillat
- Isaariaq imerniartarfiullu eqqaaniittut saligaatsuutinneqassapput
- Perusuersartarfiit (anartarfiit) akornuteqassanngillat

Arctic Wonderland Tours LTD A/S

Oqaluttuassartaa: Arctic Wonderlandip imigassallersinnaanermut akuersissutaata 2012imi nutarternissaanut atatillugu imerniartarfimmi pisimasut marluk pillugit politiit nalunaaruteqarput. Siullermik imerniartarfiup eqqaani paasoqarsimavoq. Politiit imerniartarfik matusimavaat eqqissisaaniarlutik, sulisoqannginnera pissutigalugu eqqissivillioortoqarsimavallaaqimmat. Inuit marluk tigusarineqarput. Aappasaanik inuit arlaqartut immiaaqqanik pisisimallutik annissuisut politiit takuaat. Tamakku saniatigut imerniartarfiup silataani puiaasat aseqqukorpasuit politiit takuaat. Sulisut oqaqqissaarneqarput iluarseqqullugillu qinnuigineqarlutik.

Arctic Wonderland imigassamik tuniniaasinnaanermut sassaallersinnaanermullu akuersissummik nutarterinissamut qinnuteqaataa akuersissutigineqarpoq.

Killiffiik: Suliffeqarfimmut Kiffartuussivik Arctic Wonderland-imit oqaaseqaammik pissarsivoq. Ilaatigut tassani ima allassimasoqarpoq:

”(...) Immiaaqqanik imigassanillu aalakoornartortalinnik ukiukippallaartunut PISITITSISOQARTANNGINNISSAA Arctic Wonderland Toursimit pingaartinneqartupilussuuvog, isersimasullu ukiukippallaarsorineqaraangamik immiaaqqanik imigassanillu aalakoornartortalinnik pisinnginnerini kinaanermut uppersaammik assitalimmik imaluunniit kuisissimanermut all-agartamik takutitseqqaarnissaannik piumaffigineqartarput, takutitsinngikkaangamillu imerniartarfimmit aneqquneqartarput.

Suliffeqarfiup immiaaqqanik imigassanillu aalakoornartortalinnik sassaalliteqarsinnaanermut piu-masaqaatinik naapertuinissaa pingaartittupilussuvarput, taamaammat tamatumunnga atatillugu maleruagassat pitsanngorsarneqarnissaannut sukannernerulersinneqarnissaannullu suliniuteqaleruttuprugut.

- Akuersissummik kikkunnit tamanit atuarneqarsinnaanngorlugi iikkami nivinngasuuteqarneq
- Imerniartarfimmi pissuserissaarnissamut malittarisassanik pitsanngorsaaneq
- Inerteqquteqarnernut allagartalersuineq
- Imerniartarfiup ammanerani pitsaaneruseq eqqiluisaarneq
- Imerniartarfiup silataani pitsaaneruseq eqqiaaneq
- Matulerisoqarnikkut pitsaaneruseq nakkutilliineq

(...) Tamatumunnga atatillugu Arctic Wonderland Toursimi sulisuusugut politiinik qanimut suleqateqarnitta pitsaanerulernissaa anguniarlugu politiit oqaloqatiseralugit attavigissavagut, taamaalliluta kikkunnut tamanut iluaqutaasumik nuannersumik unnessuataarnerit nakkutilliinikkut nuannernerulersinnissaat angussagatsigu. (...)”

Takuuk ilanngussaq 3 Arctic Wonderlandip tamakkiisumik oqaaseqaataa.

Suliffeqarfimmut Kiffartuussiviup ”Arctic Wonderland” attaveqarfigaa akuersissummillu piginnittoq imigassaq pillugu inatsisip malinneqarnissaa pillugu sukannersumik piumasaraqfigalugu. Akuersissummik piginnittumut makku erseqqissaassutigineqarput:

- Imigassamik tuniniaasinnaanermut sassaallersinnaanermullu akuersissut tamanit takuneqarsinnaasunngorlugi saqqumitinneqassaaq.
- Aalakkutsitsisoqarniassanngilaq
- Inuit imerniartarfimmi sinissanngillat
- Matulerisoqassaaq
- Inuit 18-it inorlugit ukiullit sassaallerfigineqassanngillat
- Isaariaq imerniartarfiullu eqqaaniittut saligaatsuutinneqassapput
- Perusersartarfiit (anartarfiit) akornuteqassanngillat

Nakkutilliinermut oqartussaasut ”Klubben”imi aamma Arctic Wonderlandimi uparuagaat tunngavigalugit Suliffeqarfimmut Kiffartuussiviup Tasiilami Politiit attaveqarfigai piumasaraqfigalugu imerniartarfiit marluk nakkutigisaqqullugit.

Aningaasaqarnikkut sulisoqarnikkullu naliliinerit

Suliffeqarfimmut Kiffartuussivik Tasiilamut nakkutilliartorniarpog.

Inatsisitigut tunngavissaq allakkallu tunngaviusumik uppersaaitallit

- - Imigassanik aalakoornartortalinnik nioqquteqartarneq sassaallertarnerlu pillugit Inatsisartut inatsisaat nr. 11, 11. november 2000-imeersoq aamma Inatsisartut inatsisaat nr. 3, 31. maj 2001-imeersoq
- Inuit imigassanik aalakoornartulinnik nioqquteqartarfiit sassaallertarfiillu aqqissuunneqarneri atorneqarnerilu pillugit Namminersornerullutik Oqartussat Nalunaarutaat nr. 19 ulloq 29. marts 1990-imeersoq
- Imigassanik nioqquteqarsinnaanermut akuersissutit pillugit Namminersornerullutik Oqartussat Nalunaarutaat nr. 4 ulloq 29. maj 1992-imeersoq

- Kommuneqarfik Sermersuumi imigassamik aalakoornartortalinnik nioqquteqartarneq sassaallertarnerlu pillugit Namminersorlutik Oqartussat nalunaarutaat nr. 4, 4. marsi 2011-meersoq
- Pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaat nr. 9, 13. juni 1994-imeersoq.

Ingerlariaqqinnissaq

Suliffeqarfimmut Kiffartuussiviup "Klubben" aamma Arctic Wonderland attaveqarfigissavai.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqaatinik pissarsiniartoqanngilaq.

Innuttaasunik peqataatitsineq/attaveqaqatigiinneq

Soqanngilaq.

Ingerlatsivinnit allaniit oqaaseqaatit

Soqanngilaq.

Ilanngussaq/Ilanngussat:

1. Restaurant Red Houseimit assit
2. Klubbenimit oqaaseqaat
3. Arctic Wonderlandimit oqaaseqaat

Punkt 04C: Immikkut aningaasanik agguagassanik suliaqarneq

Beslutning

Inassuteqat akuerineqarpoq imannak oqaasertalerlugu:

- suliaq ilisimatitsissutitut Meeqqanut Ilaqutariinnullu Ataatsimiititamut ingerlateqqinneqassasoq.

Immikkut aningaasanik agguagassanik suliaqarneq

Suliassanik iluarsaassinissaq pillugu Isumaginninnermut siunnersortit amerlanerit

Aalajangiiffigisassaq

J. nr: 02.01.05

Suliffeqarfimmut Kiffartuussivik - kommunaldirektøri Lars Møller-Sørensen / LMS

Suliassamik eqikkaaneq

Namminersorlutik Oqartussat nakkutilliisoqatigiivisa upernassaq 2017-imi nakkutilliineq malitseqartippaat. Nakkutilliisut Meeqqanut Ilaqutariinnullu Ingerlatsivimmi suliassat isumaginninnermut tunngasut misissugassat amigaatillit pillugit, iliuusissatut pilersaarutit kiisalu Meeqqanut ikiorsiissutit pillugit inatsit malinneqarnerisooq qanoq ilillutik iluarsaanniarnanunut atatillugu takussutissamik piumpapput. Meeqqanut Ilaqutariinnullu Ingerlatsivik Deloitte suleqatigalugu suliassat meeqqanut tunngasut suliarineqartut iluarsaannissaannut ukiut pingasut ingerlasussamik pilersaaruserput.

Kommunalbestyrelsen 2018-imut missingersuutit akuersissutiginerani immikkut 2018-imut aningaasanik agguagassanik 7,5 mio. koruuninik atugassanik akuersissuteqarput suliassanunut iluarsaassinissamut atugassatut tassani Meeqqanut Ilaqutariinnullu tunngasunut Ineriartortitsinnermut pilersaarut pillugu Kommunalbestyrelsen akuersissutigisaanunut atatillugu. Deloitte-p nalunaarusiaa naapertorlugu Kiffartuussinnermi misissuineq tunngavigalugu innersuussutigaa isumaginninnermut siunnersortit sisamat aqutsisorlu ataaseq meeqqanut inuusuttuaqqanullu suliat suliarineqartut iluarsaannissaannunut atatillugu atorfinitsitsisoqassasoq.

Inassuteqaat

Suliffeqarfimmut Kiffartuussiviup Aningaasaqarnermut Inuusutissarsionermullu Ataatsimiititarnut inassuteqaatigaa:

- Suliassanunut meeqqanut tunngasunut iluarsaassinissamut 2.3 mio. koruunit atornerqarnissaat akuerineqassasoq

Suliassamik saqqummiussineq

Kommunalbestyrelsen 2018-imut missingersuutit akuersissutiginerani immikkut 2018-imut aningaasanik agguagassanik 7,5 mio. koruuninik atugassanik akuersissuteqarput suliassanunut iluarsaassinissamut atugassatut tassani Meeqqanut Ilaqutariinnullu tunngasunut Ineriartortitsinnermut pilersaarut pillugu Kommunalbestyrelsen akuersissutigisaanunut atatillugu. Deloitte-p nalunaarusiaa naapertorlugu Kiffartuussinnermi misissuineq tunngavigalugu innersuussutigaa isumaginninnermut siunnersortit sisamat aqutsisorlu ataaseq meeqqanut inuusuttuaqqanullu suliat suliarineqartut iluarsaannissaannunut atatillugu atorfinitsitsisoqassasoq.

Kommuneqarfik Sermersuumi meeqqanut inuusuttuaqqanullu suliassat suliarineqartut 1.200 missaanniittut naatsorsuutigineqarpoq aammalu suliassat suliarineqartut 75 %-iisa missaat amigaateqarlutilluunniit annertuumik kukkuneqartut. Tassa imaappoq suliassat 900-t missaanniittut annertuumik amigaatillit kukkunillillu iluarsaanneqarnissaannunut pisariaqartitsisoqarpoq.

Meeqqanut inuusuttuaqqanullu suliassanunut tunngasut iluini kukkunerit amigaatillu pineqartillugit iluarsaatassat pisariaqartinneqartut assigiinngitsuusussaapput oqimaassusaat amerlassusaallu eqqarsaatigalugit. Kukkunerit immikkoortissagaanni makkuusinnaapput inatsit tunngavigalugu malitseqartitsinngitsoornerit, angerlarsimaffiup avataanunut inissiisarnernunut tunngatillugu inummut tunngasumut nakkutilliinngitsoornerit, ikiorsiissutinunut tunngatillugu suliarnik aallartitsinngitsuunerit/naammassisaqanngitsuunerit iliuusissamillu pilersaarusiunngitsoornerit.

Aammali meeqqanut inuusuttuaqqanullu suliassat tunngasut amerlaqisut ikiorsiissutip aallartinneqartup sunniuteqanngitsoornera/sunniuteqarsimanngitsup, atuutilersimanngisaannartup suliarmullu pisarialinnik paasissutissiinnngitsup naapertuutinnngitsumilluunniit sularineqartup minnerunngitsumillu inatsit naapertorlugu tunngaviumik allaaserineqarneranit paasissutissiinnngitsoq.

Deloitte naliliivoq, pisariaqartinneqassasoq aallarniutigalugu "immikkoortiterineq" suliart sularineqartut tamaasa periuseq una pingasunngorlugu avillugu ingerlanneqassasoq:

- *Immikkoortoq 1* suliassaapput, nalilerneqartut, piffissami qaammatit arfinillit ingerlaneranni isumaginninnermut tunngasut iliuutsit oqitsunnguit tunuliaqutaralugit naammassineqarsinnaasut
- *Immikkoortoq 2* suliassaapput, nalilerneqartut, ikiorsiissutit aallartit naapertuuttuunissaat taamaattorli suliassat ataatsimik arlalinnilluunniit amigaatillit immikkoortinneqartut ima: isumaginninnermut tunngasunik suliartigut misissuinerit, iliuusissatut pilersaarutit, inatsisitigut malitseqartitsineq piumasaqaataasoq imaluunniit angerlarsimaffiup avataanut inissinneqartumut inuttaanik nakkutiginninneq
- *Immikkoortoq 3* suliassaapput, ikiorsiissutit aallartit naapertuuttuunissaat taamaattorli suliassat ataatsimik arlalinnilluunniit amigaatillit immikkoortinneqartut ima: isumaginninnermut tunngasunik suliartigut misissuinerit, iliuusissatut pilersaarutit, inatsisitigut malitseqartitsineq piumasaqaataasoq imaluunniit meeqqamik inuusuttuaqqamilluunniit angerlarsimaffiup avataanut inissinneqartumut inuttaanik nakkutiginninneq

Aningaasaqarnikkut sulisoqarnikkullu naliliinerit

1. Isumaginninnermut siunnersorti aqutsisoq
Ukiumut kr. 500.000
2. Isumaginninnermut siunnersortit sisamat ingerlatsisunut kr. 1.800.000
3. Ukiunut 2018-2020 tungaanut iluarsaassinissamut aningaasartuutissat katillugit ukiumut kr. 2.300.000

Inatsisitigut tunngavissaq allakkallu tunngaviumik uppersaatitallit

2020-mut missingersuusiornissamut atatillugu isumaqatigiissusiornermut tunngatillugu aningaasaliiffiqineqareertut saniatigut allanik aningaasaleeqqittoqassaaq

Ingerlariaqqinnissaq

Meeqqanut Ilaqutariinnullu Ingerlatsiviup inunnik isumaginnittussanik aqutsisussaannillu sulisussarsiornissaq isumagissavaat.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfik allanik oqaaseqaatissaqanngilaq suliarmullu aallartinnissaa nuannaarutigalugu.

Innuttaasunik peqataatitsineq/attaveqaqatigiinneq

Soqanngilaq.

Ingerlatsivinnit allaniit oqaaseqaatit

Soqanngilaq.

Ilanngussaq/Ilanngussat:

Soqanngilaq.

Punkt 04D: Nuummi Koføeds Skolimut kiffartuussinissamik isumaqatigiissut

Beslutning

Inassuteqaat akuerineqarpoq.

Bilag

Bilag X Hensigtsserklæring vedr Serviceaftale med Koføeds Skole KAL-DA.pdf

Nuummi Kofoeds Skolimut kiffartuussinissamik isumaqatigiissut

Aalajangiiffigisassaq

J. nr. 44.19

Isumaginninnermut Suliffeqarnermullu Ingerlatsivik – pisortaagallartoq Kista Lynge Høegh / KILH

Suliassamik eqikkaaneq

Kommuneqarfik Sermersuup Nuummi atuarfimmik pilersitsinissaq pillugu ukiorpaalunni qanimut Kofoed Skole attaveqarfigaa. Tassunga atatillugu siunissami kiffartuussinissamut isumaqatigiissuteqarnissamik Kommuneqarfik Sermersooq 2014-imi Kofoed Skole-mut siunniussaqaqarnermik nalunaaruteqarpoq. Siunniussaqaqarnermut nalunaarummi piumasarineqarpoq suliniutip ingerlanneqarnera iluatsittumik ingerlassasoq kiisalu ingerlatsinnermut missingersuut Kommunalbestyrelsimit akuerineqarsinnaassasoq. 2016-imi januaarip qaammataani aningaasaateqarfimmit aningaasaliiffigineqartumik suliniut ukiuni pingasuni ingerlanneqartussa aallartinneqarpoq. Suliniutip ingerlanneqarnera ulloq 31. decembari 2018 atorunnaassaq, tamatumalu kingorna kiffartuussinermut isumaqatigiittoqassappat tamanna 2019-imi januaarip aallaqqaataanni atuutilissalluni.

Illoqarfiit pingaarnersaattut Nuummi angerlarsimaffeqanngitsunut unammillernarsinnaasut kommunimuinnaq attuumassuteqaratik Nunatsinnulli attuumassuteqartuusutut nalilerneqarpoq. Taamaammatt Isumaginninnermut Suliffeqarnermullu Ingerlatsiviup inassuteqaatigaa, angerlarsimaffeqanngitsunut unammillernarsinnaasut aaqqiissuteqarfigineqarnissaannut taamalu Nuummi Kofoeds Skole-mik ingerlatsinnermik Nuna tamakkerlugu peqataatitsinissaq siunertaralugu Naalakkersuisunut saaffiginnittoqassasoq.

Suliaq Isumaginninnermut Suliffeqarnermullu Ataatsimiititap 2018-imi januaarip 16-ianni ataatsimiinnerani oqaluuserineqarpoq, tassanilu Kofoeds Skole Nuuk kiffartuussinissamut isumaqatigiissuteqarfiginissaanut aaqqiissutissatut siunnersuusiornissamik Isumaginninnermut Suliffeqarnermullu Ingerlatsiviup inassuteqaataa akuersissutigineqarpoq, aammalu Kommuneqarfik Sermersooq Isumaginninnermut, Ilaqutariinnut, Naligiissitaanermut Inatsisinillu atuutsitsinnermut Naalakkersuisoqarfimmut saaffiginnissuteqassasoq, Naalakkersuisut angerlarsimaffeqanngitsut pillugit suliassatigut aaqqiissuteqaqataanissaat eqqarsaatigalugu, taamaasillunilu Kofoeds Skole Nuuk ingerlanneqarnera nunatsinnit peqataaffigineqalerluni.

Inassuteqaat

Isumaginninnermut Suliffeqarnermullu Ataatsimiititap Aningaasaqaqarnermut Inuussutissarsiornermullu Ataatsimiititamut inassutigaa:

- ataatsimiititap akuersissutigissagaa ingerlatsivik Isumaginninnermut, Ilaqutariinnut, Naligiissitaanermut Inatsisinillu Atuutsitsinnermut Naalakkersuisoqarfimmut saaffiginnissuteqassasoq Kofoeds Skole Nuuk ingerlanneqarneranut nunatta peqataalersinneqarnissaa pillugu

Suliassamik saqqummiussineq

Nuummi immikkoortortamik pilersitsinissaq pillugu Kommuneqarfik Sermersuup ukiorpaalunni Kofoed Skole-mik oqaloqatiginninnerit ingerlattarpai, tassa angerlarsimaffeqanngitsut tapersersorneqarnissaannut sammisaqartinneqarnissaannullu annertuumik pisariaqartitsisoqartoq kommunimit nalilerneqarmat. Kofoeds Skole atuarfiuvoq pineqartunik sullissinnermik annertuumik misilittagaqartoq, atuarfik pineqartut imminnut ikiorsinnaalernissaat siunertaralugu ikiuilluni sulisarpaq. Atuarfik Danmarkimi pilersinneqarpoq, atuarfik ukiorpassuarni kalaallinik ajornartorsiuteqartunik sullissisarpaq. Tamatuma kingunerisaanik 2014-imi Kommuneqarfik Sermersooq Kofoeds Skole-mut siunissami kiffartuussinissamik isumaqatigiissusiornissaq

siunertaralugu siunniussaqaqarnermik nalunaaruteqarpoq. Siunniussaqaqarnermut nalunaarummi piumasarineqarpoq suliniutip ingerlanneqarnera iluatsittumik ingerlassasoq kiisalu ingerlatsinermut missingersuut Kommunalbestyrelsimit akuerineqarsinnaassasoq. Siunniussaqaqarnermut nalunaarut Kofoeds Skole-p Nuummi Kofoeds Skole-mik pilersitsinissamut aningaasaateqarfimmut qinnuteqarnissaanut aalajangiisuusimavortaaq, Kofoeds Skole-mit aningaasaateqarfimmut, suliniutip ingerlanneqarneranut piffissaq qaangiuppat kommunimit suleqatigiinnerup ingerlatiinnarneqarnissaa soqutigineqartoq, uppersarsarneqartussaammat. Aningaasaateqarfiit pingasut OAK Foundation, Villum Fonden aamma A.P. Møller og Hustru-fonden - katillugit ataatsimut pilersitsinermut aamma atuarfiup ukiuni pingasuni ingerlanneqarnissaannut 18 mio. koruuninik aningaasaliissuteqarput. Tamanna tunngavigalugu Kofoeds Skole Nuummi 2016-imi januaarip qaammataani, ukiuni pingasuni suliniutip ingerlanneqarnissaanut aningaasaliissuteqarfigineqartumik, immikkoortortamik aallartitsipput. Suliniutip ingerlanneqarnissaanut piffissarittineqartoq ulloq 31. decembari 2018-imit killeqarpoq, tamatuma kingorna Kofoeds Skole Nuuk ilaatigut Kommuneqarfik Sermersuumik kiffartuussinissamut isumaqatigiissusiornikkut suliffeqarfittut namminersortutut ingerlanneqalissalluni. Kiffartuussinissamut isumaqatigiissut ulloq 1. januar 2019 atuutilissaaq.

Aaqqiissutissatut siunnersuut – suliatigut naliliineq

2014-imi siunniussaqaqarnermut nalunaarut tunngavigalugu Isumaginninnermut Suliffeqarnermullu Ingerlatsiviup kiffartuussinissamik isumaqatigiissummut aaqqiissuteqarnissamut siunnersuutip sapinngisamik piaartumik suliarineqarnissaa inassuteqaatigaa.

Tamatuma saniatigut isumaginninnikkut unamminiagassat, tassunga ilanngullugit angerlarsimaffeqanngitsut, Nunatsinni ajornartorsiutaasut unammillernarsinnaasut, pingaartumik illoqarfinni, ingerlatsivimmit nalilerneqarpoq. Tassani pingaartumik Nuuk pineqarpoq, tassa illoqarfiit pingaarnersaattut Nuna tamakkerlugu innuttaasunit orniginartinneqartarmat. Taamaattumik angerlarsimaffeqanngitsunut ajornartorsiutinut aaqqiissuteqarnissami, tassunga ilanngullugu Nuummi Kofoeds Skole-mik ingerlatsinermut tunngatillugu, Naalakkersuisut peqataatinneqarnissaat pingaaruteqarpoq.

Aningaasaqarnikkut sulisoqarnikkullu naliliinerit

Kofoeds Skole Nuuk maanna ukiup aappaa affaq pioreerpoq, taamaalilluni siunissami ingerlatsinissamut aningaasartuutigineqartussat missiliutigineqarsinnaapput. Kofoeds Skole Nuummit Kommuneqarfik Sermersuumut nassiinneqarsimasumi nalunaarummi takuneqarsinnaavoq, atuarfiup ingerlanneqarnissaanut ukiumut aningaasartuutit 5,5 mio. koruuniunissaat missiliutigineqartoq. Tassa Kofoeds Skole Nuuk maanna ingerlanneqarneratut ingerlanneqarnissaanut aningaasat taama missiliutigineqarput.

Inatsisitigut tunngavissaq allakkallu tunngaviusumik uppersarsaatitallit

Inuit Ataqatigiit, Demokraatit aamma Atassut akornanni suleqatigiinnissamik isumaqatigiissut 2017-2021-meersumi innuttaasut ajornartorsiuteqartut immikkut qitiutillugit suliniuteqartoqassasoq allassimavoq.

Ingerlariaqqinnissaq

Siunnersuut akuerineqassappat Isumaginninnermut Suliffeqarnermullu Ingerlatsivimmit siunissami kiffartuussinissamut isumaqatigiissummik suliaq aallartinneqassaaq. Tamatuma saniatigut unammillernarsinnaasut pillugit Naalakkersuisut peqataatinneqarnissaat siunertaralugu ingerlatsivik Isumaginninnermut, Ilaqutariinnermut, Naligiissitaanermut Inatsisinillu Atuutsitsinermut Naalakkersuisoqarfimmut saaffiginnissaaq.

Aningaasaqarnermut Allatseqarfimmit oqaaseqaatit

Suliami matumani Aningaasaqarnermut Allatseqarfimmut oqaaseqaatinik pissarsiniarnissaq massakkut pisariaqanngitsoq Ingerlatsiviup nalilerpaa.

Siusinnerusukkut aalajangerneq

Isumaginninnermut Suliffeqarnermullu Ataatsimiititap aalajangernera 16. januar 2018-imeersoq:
Inassuteqaatit akuersissutigineqarput.

Innuttaasunik peqataatitsineq/Attaveqaqatigiinneq

Soqanngilaq

Ingerlatsivinniit allaniit oqaaseqaatigineqartut

Ingerlatsivinnit allanit oqaaseqaateqartitsisoqanngilaq

Ilanngussaq

1. Kofoeds Skole Nuuk pillugu siunniussaqaqarnermut nalunaarut.

Punkt 04E: Nuummi Kofeds Skolimi sinnisussanik siulersuisunillu toqqaaneq

Beslutning

Inassuteqaat akuerineqarpoq.

Bilag

Vedtægter 17 oktober 2017.pdf

Nuummi Kofoeds Skolimi sinniisussamik siulersuisunillu toqqaaneq

Aalajangiiffigisassaq

J.nr.: 40.00

Isumaginninnermut Suliffeqarnermullu Ingerlatsivik – pisortaagallartoq Kista Lynge Høegh / KILH

Suliassamik eqikkaaneq

Nuummi Kofoeds Skole suliffeqarfiuvoq namminersortoq, atuarfimmilu qullersatut oqartussaassusiligaasut tassaallutik sinniisuutit siulersuisullu. Kommuneqarfik Sermersooq taannaavoq atuarfiup ingerlanneqarneranik nakkutilliisuusoq. Atuarfiup maleruaqqusai naapertorlugit Kommuneqarfik Sermersooq aallartitatus siulersuisunilu ilaasortatut inissimasussamik ataatsimik toqqaasinnaatitavoq.

Suliaq Isumaginninnermut Suliffeqarnermullu Ataatsimiititap ulloq 16. januar 2018 ataatsimiinnermini oqaluuseraa, tassani Isumaginninnermut Suliffeqarnermullu Ataatsimiititap Aningaasaqarnermut Inuussutissarsiornermullu Ataatsimiititap, Isumaginninnermut Suliffeqarnermullu Ataatsimiititap Kommuneqarfik Sermersuumit Kofoeds Skolimit ilaasortamik toqqaanissaq Atuarfiup sinniisutut aallartitaanut siulersuisunullu ilaasortassaanik toqqaanissaanik inassuteqaat Siumumit akuersissutigineqarpoq. Inuit Ataqtigii Demokraatillu aamma inassuteqaat akuersissutigaat Storm Ludvigsen-ilu Kommuneqarfik Sermersuumit sinniisussatut siulersuisunilu ilaasortatut innersuussutigalugu.

Inassuteqaat

Isumaginninnermut Suliffeqarnermullu Ataatsimiititap Aningaasaqarnermut Inuussutissarsiornermullu Ataatsimiititap inassutigaa:

- Aningaasaqarnermut Inuussutissarsiornermullu Ataatsimiititap akuersissutigissagaa Isumaginninnermut Suliffeqarnermullu Ataatsimiititap Kommuneqarfik Sermersuumit Kofoeds Skolimit sinniisussamik siulersuisunullu ilaasortamik toqqaassasoq.

Suliassamik saqqummiussineq

Nuummi Kofoeds Skole suliffeqarfiuvoq namminersortoq, atuarfimmilu qullersatut oqartussaassusiligaasut tassaallutik sinniisuutit siulersuisullu.

Maleruaqqusat § 5-iat innersuussutigalugu atuarfimmil aallartitatus ilaasortamik Kommuneqarfik Sermersooq toqqaavoq. Sinniisuutitani ilaasortat Nunatsinni inuuniarnikkut attanneqarsinnaasumik ineriartortitsinissamat kiisalu innuttaasunik atugarliortunik kalaallit inuiaqatigiinni akuulersitsinissamik ikiutissapput. Sinniisutut toqqaarneqartut ukiuni sisamani atuutissapput. Sinniisuutitatu juuni naatinngalu pereersimasussamik ukiumut ataasiarlutik ataatsimiittarput.

Paragraf 7-imilu allaqqalluni, kommunimit aallartitaasoq atuarfiup siulersuisunittaaq ilaasortaassasoq. Sinniisut pisortaqaarfillu sinnerlugit siulersuisut atuarfiup ingerlanneqarneranut aningaasaqarneranullu akisussaasuupput. Siulersuisunut qinigaaneq ukiuni marlunni atuuttarpoq, ataasiarlunilu qinigaqqissinnaaneq periarfissaalluni. § 9 naapertorlugu, siulersuisut piunasaqaatigineqartutut akulikissusilerlugu ataatsimiittassaaq, taamaattorlu minnerpaamik qaammatit pingasukkaarlugit.

Kofoeds Skolemut maleruaqqusat suliament matumunnga ilanngussatut ilanngunneqarput. (Qallunaatuinnaq pigineqarput)

Aaqqiissutissatut siunnersuut – suliatigut naliliineq

Isumaginninnermut Suliffeqarnermullu Ataatsimiititaq Kommuneqarfik Sermersooq sinnerlugu Kofoeds Skolimi sinniisussamik siulersuisunilu ilaasortassamik toqqaassaaq. Maleruaqqusap § 5-ianni pingaartinneqarpoq, sinniisuutitatus ilaasortaasut inuiaqatigiinni ilaajunnaarsimasut atorfissaaruttutullu ittut pillugit isumaginninnermik inulerinermillu pingaartitsisuunertik ilisimaneqaatigigaat.

Aningaasaqarnikkut sulisoqarnikkullu naliliinerit
Soqanngilaq.

Inatsisitigut tunngaviusut aamma allagartat uppersaaitut sinaakkusersuutaasut
Nuummi Kofoeds Skolimi maleruaqqusat 17. oktobari 2017-imeersut

Ingerlariaqqinnissaq
Isumaginninnermut Suliffeqarnermullu Ataatsimiititaq Kommuneqarfik Sermersooq sinnerlugu sinniisussamik toqqaareerpat, Isumaginninnermut Suliffeqarnermullu Ingerlatsiviup Nuummi Kofoeds Skole tamanna pillugu ilisimatitsiniarluni attaveqassaaq.

Aningaasaqarnermut Allatseqarfimmit oqaaseqaatit
Aningaasaqarnermut Allatseqarfik oqaaseqartinneqarnikuunngilaq.

Siusinnerusukkat aalajangerneq
Isumaginninnermut Suliffeqarnermullu Ataatsimiititaq ulloq 16. januar 2018 aalajangernera:
Laura Táunâjik (S) inassuteqaatit akuersissutigai.

Inuit Ataqatigiit Demokraatillu inassuteqaatit ima oqaasertalerlugit akuersissutigaaat:
om:

- Storm Ludvigsen Kofoeds Skolip siulersuisuinut ilaasortatut sinniisutullu inassutigineqassasoq.

Innuttaasunik peqataatsineq/Attaveqaatigiinneq
Soqanngilaq

Ingerlatsivinniit allaniit oqaaseqaatigineqartut
Ingerlatsivinnit allanit oqaaseqaateqartitsisoqanngilaq

Ilanngussaq
1. Nuummi Kofoeds Skolimi maleruaqqusat 17. oktobari 2017-imeersut (Qallunaatuinnaavoq)

Punkt 04F: Aalisarnermut tunngasumik suleqatigiisitami ilaasortanik toqqaaneq

Beslutning

Aningaasaqarnermut Inuussutissarsiornermullu Ataatsimiititap aalisarnermut tunngasumik suleqatigiisitami tulliullugit taakkartorneqartut pingasut toqqarpai:

- Suleqatigiinniit Henrik Rachlev (IA) aamma Harald Bianco (IA)
- aammalu Siumumiit Peter Davidsen (S), Peter Davidsenip sinniisorissallugu Jens Kristian Berthelsen (S).

Aalisarnermut tunngasunik suleqatigiisitami ilaasortanik toqqaaneq

Aalajangiiffigisassaq

J nr: 72.00.00

Suliffeqarfimmut Kiffartuussivik – kommunaldirektøri Lars Møller-Sørensen / LMS

Suliassamik eqikkaaneq

Kommunimi aqqissuussaaniikkut allannguisoqareerneratigut aalisarnermut piniarnermullu tunngasut Suliffeqarfimmi Kiffartuussiviup ataaniilerput. Tamatuma kinguneraa, politikikkut ataatsimiititap Isumaginninnermut, Suliffeqarnermut Inuussutissarsiornermullu Ataatsimiititap ataaniikkunnaarluni Aningaasaqarnermut Inuussutissarsiornermullu Ataatsimiititap ataaniilersoq.

Aqqissuussaaniikkut allannguisoqareernerata kingunerisaanik aalisarnermut tunngasunik suleqatigiisitami ilaasortat nutaat toqqaaneqassapput.

Inassuteqaat

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititamut inassuteqaatigaa:

- Aningaasaqarnermut Inuussutissarsiornermullu Ataatsimiititamit aalisarnermut tunngasunik suleqatigiisitami ilaasortanik pingasunik toqqaassasut

Suliassamik saqqummiussineq

Kommunimi aqqissuussaaniikkut allannguisoqareerneratigut aalisarnermut piniarnermullu tunngasut Suliffeqarfimmi Kiffartuussiviup ataaniilerput. Tamatuma kinguneraa, politikikkut ataatsimiititap Isumaginninnermut Suliffeqarnermullu Ataatsimiititap ataaniikkunnaarluni Aningaasaqarnermut Inuussutissarsiornermullu Ataatsimiititap ataaniilersoq.

Aqqissuussaaniikkut allannguisoqareernerata kingunerisaanik aalisarnermut tunngasunik suleqatigiisitami ilaasortat nutaat toqqaaneqassapput. Aalisarnermut tunngasunik suleqatigiisitami ukuupput:

- Aningaasaqarnermut Inuussutissaqarnermullu Ataatsimiititami ilaasortat 3
- NAPP-meersut 3
- Neqitameersut 3 aamma
- Tasiilamiit, Ittoqqortoormiinit kiisalu Paamiunit tamarmik ataaseq (katillugit 3)

Aaqqiissutissatut siunnersuut – suliatigut naliliineq

Ataatsimiititami ilaasortat toqqaaneqareerpata ingerlatsiveqarfimmi aalisarnermut piniarnermullu peqatigiiffiit ingerlatsivimmit attaveqarfigineqassapput paasinialugu suleqatigiisitami ilaasortassatut kikkunnik toqqaarusunnertut. Sumiiffimmi aalisartut piniartullu peqatigiiffiannut attuumassuteqartumik eqqartugassaqaartoqartillugu taakku suligasuarnissamut immikkut tamarmik aggersarneqassapput.

Aningaasaqarnikkut sulisoqarnikkullu naliliinerit

Soqanngilaq

Inatsisitigut tunngaviusut aamma allagartat uppernarsaatitut sinaakkusersuutaasut

Soqanngilaq

Ingerlariaqqinnissaq

Ataatsimiititaq suleqatigiisitami ilaasortassanik pingasunik toqqaassaaq, tamatumalu kingorna ingerlatsiveqarfimmi aalisartut piniartullu peqatigiiffiitut ingerlatsivik attaveqassaaq. Tassunga atatillugu ilaasortassat tamarmik toqarneqareeripata ingerlatsiviup suleqatigiisitaq ataatsimiinnissamut aggersassavaa. Ingerlatsivik suleqatigiisitamut allatseqarfittut inissisimassaaq.

Aningaasaqarnermut Allatseqarfimmit oqaaseqaatit

Soqanngilaq

Innuttaasunik peqataatitsineq/attaveqaqatigiinneq

Soqanngilaq

Ingerlatsivinnit allanit oqaaseqaatit

Ingerlatsivinnit allanit oqaaseqaatinik pissarsiniartoqarsimanngilaq.

Ilanngussaq

Soqanngilaq

Punkt 5: Suliat Kommunalbetyrelsimut ingerlateqqitassat

Punkt 05A: Kommunitut pilersaarummut tapiliussamut 4E2-1-imut siunnersuut

Beslutning

Inassuteqaatit akuerineqarput.

Bilag

KPT 4E2-1_GL.pdf

OneWeb-Copy-Copy_19497 kal.docx

Kommunimut pilersaarummut tapiliussamut 4E2-1-imut siunnersuut

Aalajangiiffigisassaq

J. nr.: 16.03.01.01-P16-1-18

Sanarfinermut Avatangiisinullu Ingerlatsivik – pisortaagallartooq Hans Henrik Winther Johannsen / HHWJ

Suliassamik eqikkaaneq

Kommunimut pilersaarummut tapiliussamut siunnersuut antenneqarfimmik pilersitsinissamut sinaakutissanik pilersitsisoqarnissaanik kissaateqarnermik tunuliaqutaqarpoq. Qaammataasiaq aqutugalugu internetimik sukkanermik nunarsuup sinneranut kiffartuussinissamik pilersitsinissamik kissaateqarneq. Sukkasuumik internetsikkut attaveqarneq akikitsumik kiffartuussissutaassaaq, taannalu nunarsuarmi sumiikkaluaraanniluunniit iserfigineqarsinnaassaaq, inuilaaniluunniit. Ingerlatsiviup pineqaatissinneqarsimasunut inissiisarfissap avannaatungaani sanaartorfissanik marlunnik atortutigut pilersaarusermilmu periusissamut tulluurtumik tikkuuasimapput. Sumiiffik kommunimut pilersaarummut atuuttumut teknikkimut atortulersuutinut atugassatut inniminnigaavoq.

Antenneqarfiup aqqissuusaanera periarfissaqarneralu pinngortitarsuarmut Quassussuup avannaatungaaniittumut sumiiffimmullu sanaartornissamut pilersaarutaasunut tulluurtuutinneqarpoq.

Sanarfinermut Avatangiisinullu Ataatsimiititap suliaq 22. januar 2018 ataatsimiinnerminni oqaluuseraat, akueralugu aammalu Aningaasaqarnermut Inuussutissaqarnermullu Ataatsimiititamut Kommunalbestyrelsimullu ingerlateqqillugu.

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissaqarnermullu Ataatsimiititamut inassuteqaatigaa:

- Kommunimut pilersaarummut tapiliussamut 4E2-1, Niaqornannguamut siunnersuut sapaatip akunnerini arfinilinni tamanut tusarniaassutigineqarnissaa siunertaralugu akuersissutigineqassasoq, aammalu
- suliaq Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Kommuneqarfik Sermersooq Nuummi antenneqarfiliornissamut pissanganartumik pimoorussisumillu saaffigineqarpoq, sumiiffissaasinnaasumut pilersaarutinut sinaakutissanik ikiorneqarnissaq anguniarlugu. Antenneqarfik nunarsuaq tamakkerlugu sumiiffinni assigiinngitsuni nunami sananeqarsimasut 30-t ilagissavaat. Nuup nunami inissisimanera peqqutaalluni attaveqaatitigut nunarsuup avannarliup qaammataasiat atorlugit attaveqarneq pitsaanerumsumik periarfissaqalissaaq. Antenneqarfimmiit imaatigut kabelimut attaveqalernissaq tassuunalu nunarsuaq tamakkerlugu internetikkut sukkanerumsumik attaveqalernissaq periarfissaalissalluni. Suliffeqarfimmiit Nuup nunami inissisimanera aqqissuusaaneralu peqqutaallutik pilersitsiffissatut tulluurtinneqarpoq.

Pilersaarut TelePost attaveqaatigiinnermi aqqissuusaareersunut akisussaasoq neqerooruteqartorlu suleqatigalugu ingerlanneqassaaq. Pilersaarut Namminersorlutik Oqartussanit inaarutaasumik akuersissutigineqarnissaa inassuteqaatigineqarpoq.

Antenneqarfiup pineqaatissinneqarsimasut inissiisarfissap avannaatungaani sineriammi inissisimanera kommunimi pilersaarusiimi immikkoortup ilaanut 4E1-imi qaartiterutaasivissamut namminersortunut kiffartuussinermut aqutissiarineqartussatut pilersaarutaareersumut ilanngunneqassaaq. Namminersorlutik Oqartussanit allagaqaammi pilersaarutip sumiiffimmi sivisuumik najorneqartussaanginnera peqqutaalluni qaartiterutaasivissamut isumannaallisaanermi killeqarfianit pilersinneqarnera sunnerneqarnaviannigisoq allassimavoq.

Antenneqarfik peqqissutsimut kingunerlutsitsinaviangilaq. Antenneqarfik nunat tamakkerlugit timmisartoqarnermut oqartussanit akuerineqarpoq timmisartornermullu isumannaallisaanermut sunnuteqarnaviarnani.

Aaqqiissutissatut siunnersuut - Suliaticugit naliliineq

Ingerlatsivimmit Nuup nunat tamalaat akornanni suliffeqarfiusumit telemi attaveqaatit iluanni pilersaarummik nutaaliorfissatut inissisimavissatut qinerneqarnera iluaqutissaqarnera tuniniaanermilu periarfissaqarnera isigaat. Kommunimi pilersaarummut tapiliussap qaammataasiaq atorlugu misissuinerit radari pilersinneqarneranik ineriartortitsinerit malitserineqartinneqarnissaanik periarfissaqarneq pilersaarutitut tunngasunik sinaakktutissaqarnissaa qulakkiissavaa.

Antenneqarfiup inissisimanera Nuummiit Kuanninnguanut sisooriartut, qamuterallatut sukisaarsarlutik sammisaqartut Nuup timaata tungaanut aqputai pioreersunut akornutaanaviangilaq.

Antenneqarfiup pilersinnissaanut nunap qaava annertunerusumik assanneqarnaviangilaq. Antenneqarfiup isikkua qalipaataatalu ilusilersukkatut isikkoqarnera pinngortitamut kusarluinnartumut naleqqussorineqarpoq.

Pilersaarusionermi teknikkikkut immikkoortup ilaa 4E2 pilersinneqarpoq immikkoortullu ilaa 4E1 pioreersoq affanngortinneqarpoq, 4E1-illi qaartiterutaasivissammut aqputissaanullu aalajangiussat tunngasut ataannassapput.

Aningaasaqarnikkut sulisoqarnikkullu naliliinerit

Kommunimut pilersaarummut tapiliussamik siunnersuusiorneq aningaasatigut kinguneqartitsissanngilaq.

Inatsisitigut tunngavissaq allakkallu tunngaviusumik uppersaartallit

Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq
Inatsisartut inatsisissaat nr. 34, 9. december 2015-imeersoq

Ingerlariaqqinnissaq

Pilersaarummut siunnersuut sap. ak. 6-imi piffissami 14. februaari – 23. marsi 2018-imi tamanut tusarniaassutigineqassaaq.

Tusarniaassummut akissuteqarnissamut killiliussaq qaangiuppat pilersaarutissatut siunnersuut, akerliliissutit tiguneqarsimasut ingerlatsivimmi nalilersorneqareerpata ingerlariaqqinnissamullu inassuteqaateqartoqareerpat, Sanarfinermut Avatangiisinullu aamma Aningaasaqarnermut Inuussutissarsionermullu Ataatsimiititami kiisalu Kommunalbestyrelsimi inaarutaasumik akuerineqartussanngorlugu taakkununga nassinneqassaaq.

Inaarutaasumik pilersaarut tamanit pissarsiarineqarsinnaassaaq, ilaatigut kommunip nittartagaatigut www.sermersooq2028.gl

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfiup suliassaq qulaani allataareersoq innersuussutigaa kommunitullu taama suliniummik pissanganartigisumik suliaqarnissaq assut soqutiginarillugu

Siornatigut aalajangerneq

Sanarfinermut Avatangiisinullu Ataatsimiititap aalajangernera 22. Januar 2018-meersoq:
Inassuteqaatit akuerineqarput.

Innuttaasunik peqataatitsineq/attaveqaqatigiinneq

Kommunimut pilersaarummut tapiliussaq sapaatip-akunnerini arfinilinni tamanut tusarniaassutigineqassaaq, tamannalu Nuuk Ugeaviisimi nalunaarutigineqarlunilu kommunip tusarniaanermut quppersagaatigut allagarsiissutigineqassaaq.

Ingerlatsivinniit allaniit oqaaseqaatigineqartut

-

Ilanngussaq

1. Kommunitumut pilersaarummut tapiliussamut 4E2-1-imut siunnersuut
2. Naatsumik ilisarititsineq

Punkt 05B: 2018-imut eqqakkat pillugit malittarisassiat nutaat

Beslutning

Inassuteqaatit akuerineqarput.

Bilag

Regulativ-for-affald-fra-erhverv-2018_end_KAL.docx

Regulativ-for-affald-fra-private-2018_end_KAL.docx

Takstblad 2018 KAL v2.1.docx

2018-imut eqqakkat pillugit malittarisassiat nutaat

2018-imut Inuussutissarsiorlut eqqagaat pillugit malittarisassiat aamma Inoqutigiit eqqagaat pillugit malittarisassiat

Aalajangiiffigisassaq

J.nr.: 27.03

Sanarfinermut Avatangiisinullu Ingerlatsivik - pisortaagallartoq Hans Henrik Winther- Johansen / HHWJ

Suliassamik eqikkaaneq:

Kommunimi inuussutissarsiorlut eqqagaat pillugit malittarisassiat aamma inoqutigiit eqqagaat pillugit malittarisassiat nutarterneqarnerinut atatillugu eqqakkat kommunimit isumagineqartarneri pillugit nutaaliortoqarpoq. Malittarisassiat nutaat sukumiinerujussuupput siuliinullu sanilliullugit eqqakkat pillugit immikkoortortaqaqarnerullutik. Tamatumunnga peqatigitillugu immikkoortiterinermut aaqqiissutit ilaat periarfissatut inissisimagaluartut maanna pinngitsoorani naammassisassatut inissisimatinneqalerput. Taamaalilluni malittarisassiat nutaat atorlugit kommune eqqaasartunut piuaaffiginninnerulersinnaalerpoq. Avatangiisit mingutsinnaveersaarlugit eqqakkanik eqqortumik passussinissamut kommunip periarfissaasa pitsanngorsarnissaat matumani siunertarineqarpoq, aamma immikkoortortat tunitsivissat nutaat/pilersinneqartussat passunnissaannut naleqqussartuarnissamik eqaallisaaneq ilanngullugu.

Suliassaq 2018-imi januaarip ulluisa 22-anni Sanarfinermut Avatangiisinullu Ataatsimiititap ataatsimiinnerani oqaluuserineqarpoq, ataatsimiinnermilu "2018-imut Inuussutissarsiorlut eqqagaat pillugit malittarisassiat" aammalu "Inoqutigiit eqqagaat pillugit malittarisassiat 2018" imatut oqaaseqaatitalerlugit akuerineqarput: ukiumi siullermi pissutsit pillugit Ataatsimiititap ilisimatinneqartassasoq qanimullu peqataatinneqassasoq. Tamatuma saniatigut malittarisassiat pillugit qaammarsaanermut Ataatsimiititami siulittaasoq peqataassaq, taamaalilluni eqqagassat pillugit malittarisassiat nutaat innuttaasut sukumiisumik pitsaasumillu ilisimatitsissutiqineqartarnissaat qulakkeerniassammagu.

Inassuteqaat

Sanarfinermut Avatangiisinullu Ataatsimiititamit Aningaasaqarnermut aamma Inuussutissarsiorlutut Ataatsimiititamut inassuteqaatigaa:

- suliassaq akuerineqassasoq, aammalu
- Kommunalbestyrelsimut inaarutaasumik akuerisassanngorlugit ingerlateqqinneqassasoq.

Suliassamik saqqummiussineq

Kommunimi inuussutissarsiorlut eqqagaat pillugit malittarisassiat aamma inoqutigiit eqqagaat pillugit malittarisassiat nutarterneqarnerinut atatillugu eqqakkat kommunimit isumagineqartarneri pillugit nutaaliortoqarpoq. Malittarisassiat nutaat sukumiinerujussuupput siuliinullu sanilliullugit eqqakkat pillugit immikkoortortaqaqarnerullutik. Tamatumunnga peqatigitillugu immikkoortiterinermut aaqqiissutit ilaat periarfissatut inissisimagaluartut maanna pinngitsoorani naammassisassatut inissisimatinneqalerput. Taamaalilluni malittarisassiat nutaat atorlugit kommune eqqaasartunut piuaaffiginninnerulersinnaalerpoq. Avatangiisit mingutsinnaveersaarlugit eqqakkanik eqqortumik passussinissamut kommunip periarfissaasa pitsanngorsarnissaat matumani siunertarineqarpoq, aamma immikkoortortat tunitsivissat nutaat/pilersinneqartussat passunnissaannut naleqqussartuarnissamik eqaallisaaneq ilanngullugu.

Aaqqiissutissatut siunnersuut – suliatigut naliliineq

Eqqakkanut malittarisassiat 2016-imeersut Eqqagassaleriffimmit nutarterneqarput. Malittarisassiat immikkoortuini immikkut ittuni immikkoortiterineq pillugu nassuiaataasa, kommunip eqqakkat pillugit nalunaarsuinermi atortuisa taavalu akigitat akornanni pitsaanerusumik aalajangersagaqalernerat matumani siusinnerusumut naleqqiullugu malunnaatilimmik allannguutaasut innuttaasunut suliffeqarfinnullu aatsaat taama atoruminartigilerlutik. Tamatuma saniatigut malittarisassiani nutaani eqqakkat immikkoortiterarnerinut piumasaqaatit amerlisinneqarput, ilaatigut immikkoortiterisarnerit periarfissatut inissisimasimasut maanna pinngitsoorani suliassatut inissisimalerlutik. Nalinginnaasumik atoqqiisarnissamik periarfissat annertusarniarlugit avatangiisillu eqqarsaatigalugit illersorsinnaasumik passussisarnissaq qulakkeerniarlugu, immikkoortigassat ilaat ilanngunneqarput. Tamatumunnga peqatigitillugu eqqagassat angisuut assigiiat sukumiisumik naliliiffigereernerisigut peerneqarnissaannut periarfissatut immikkut pisuni kommune innersuussisinnaasoq matumani periarfissaasoq ilanngunneqarpoq.

”Eqqakkat inaalinneqarsinnaasut akuleriit” immikkoortigassat ataanni arlalinni malittarisassiatigut agguataarneqassapput, tamatumanilu eqqiluutsuunissaq, poortorsimanissai il. il. piumasaqaatigineqassaaq, taamaattoqarneratigummi aatsaat avatangiisit eqqarsaatigalugit illersorsinnaanerusumik eqqagassat passunneqarsinnaammata, atoqqiinissamullu periarfissat annertusillugit.

Issoq mingutsitaq pillugu malittarisassat ersarissarneqarput, issumillu mingutsitsinerit assigiinngitsuuneri eqqarsaatigalugit piumasaqaatit malittarisassianut ilanngunneqarlutik.

Nerisassat eqqagassat immikkut immikkoortoqartinneqarput, aamma illoqarfinni nunaqarfinnilu mikinerusuni eqqagassanut aaqqiisutit nutaat naleqqussarneqarput, ilaatigut eqqagassarpaaluit siusinnerusumut sanilliullugit immikkoortinneqartassallutik najukkamilu atorneqartarlutik eqqagassallu ikuallatassat poortorneqariarlutik Nuummut ikuallaavimmut nassiunneqartassallutik. Malittarisassat nutaat naapertorlugit pisiniarfinniit, aalisakkerivinniit, aalisartuniit piniartuniillu assigisaannillu eqqagassat tigoorarneqartarnerinut atatillugu Eqqagassaleriffimmi ilungersunartut matumani eqqarsaatigineqarput.

Malittarisassiat nutaat atulernerinut atatillugu containerit atoqqitassanut atorneqartarneri kommunimi taamaatinneqassapput, pissutigalugu suliap namminersortunit ingerlanneqarnissaa pissusissamisoornerummat. Nuummi ingerlatsinertaa Kofoeds Skolemit ingerlanneqalerpoq, taamaalilluni kommunimut, Kofoeds Skolemik atuisunut innuttaasunullu iluaqutaasussamik kommune sinnerlugu suliarisarlugu.

Taakkua saniatigut malittarisassanut makkua ilanngunneqarput:

- Nunaqarfinni Ittoqqortoormiinilu eqqagassanik passussisarnermut tunngaviusumik akitsuutini anartarfilerinermi sapaatip akunneranut pingasoriarluni aallertarneq tunngaviusumik akitsuutinut ilanngunneqarpoq.
- Eqqagassat immikkut immikkoortitit tunniukkiartorneri sioqqullugit suliareqqaarnissaannut, annikillisillugit agguataarnissaannut poortornissaannullu immikkut kommunip piumasaqarsinnaanera nalinginnaasumik oqaaseqaatinut ilanngunneqarpoq.

Immikkoortoq immikkut ittoq (Inuussutissarsiuteqartut eqqagaat)

- Igalaamernit eqqagassat: Igalaamernit immikkoortiterarnerissaat pinngitsoorani suliareqartartussanngortinneqarput
- Saviminikut: Nassuiaataa ersarissarneqarpoq aaqqiissullu pinngitsoorani suliareqartussanngortinneqarluni. Angissutsimikkut annikillisillugit agguataarnissaannut piumasaqaatigineqalerpoq, taamaalilluni Eqqagassaleriffimmit ajornanngitsumik suliareqarsinnaanngorlugit. Eqqagassat assigiiat annertuut eqqarsaatigalugit,

Eqqagassaleriffiup immikkut isumaqatigiissuteqarfiginissaanut periarfissat ammatinneqarput.

- Qamutit motorillit atorsinnaajunnaartut Eqqagassaleriffimmut peerneqarnissaanut periarfissaqartut innersuullugit nalunaarutigineqartassapput. Tunniussinnginnermi avatangiisinut tunngatillugu suliareqqaagassat isumaginissaat piumasaqaataavoq.
- Eqqagassat ikuallatassat assigiinngitsunut marlunnet agguataagaapput, ikuallatassat mikisut angisuullu, kingunerisaanillu passussineq naammassiuminarsarneqassaaq.
- Qisuit eqqakkat aammattaaq marlunnet immikkoortiterlugit agguataassapput, tassa qisuit mingutsinneqanngitsut taavalu "Qalipatat, naqitat mingutsinneqalaarsimasullu".
- Eqqagassat inaalissassaasut pillugit nassuiaat ersarissarneqarpoq, aammalu immikkoortitassat siusinnerusukku "Eqqagassat inaalitassat ataatsimoortut"-ni ilaatinneqartut maanna immikkoortitassat immikkut ittutut suliassanngortinneqarput.
- Eqqagassat ulorianartut nassuiaatigineqarneri maanna aaqqiissutit malillugit passunneqartarnerinut ilaatinneqarput.
- Issup mingutsinneqarsimasup assigiinngitsutigut mingutsinneqarsimaneranut qanoq passunneqarnissaa pillugu piumasaqaatit nassuiaatitai ersarissarneqarput.
- Nerisassat eqqakkat immikkut immikkoortumi nassuiaammilu immikkoortillugit ersarissarneqarput. Tamatumunnga peqatigitillugu poortuisarnermut il. il. piumasaqaatit sukateriffigineqarput.

Immikkoortigassat nutaat ilanngunneqartut tassaapput

- Pappialarsuit minguitsut
- Qalorsuit akuitsut ningittakkallu
- Assakaasut qaavi
- Eqqagassat atoqqitassat allat

Aningaasaqarnikkut sulisoqarnikkullu naliliinerit

Eqqakkanut malittarisassiani allannguutit ataatsimut isigalugit kommunimut aningaasartuutaannginnissaat matumani anguniarneqarpoq. Tamannali pillugu suliap qanoq innerani qularnartoqartitsisoqalerpoq, ingerlanniarnanullu piffissaq ingerlaqqaassasoq naatsorsuutigineqassaaq.

Eqqakkanik aallertarnerit pillugit akit naleqqussarneqarput, taamaalillutik akit kommunip eqqakkanik ataasiakkaanik immikkoortigassanik passussineranut aningaasartuutaasut matussusernissaannut oqimaaqatigiisinneqarnissaat naapertuutissalluni atoqqiinarneq peqataanik annertusarneqarluni. Annertunerusumik immikkoortiterisarneq akinut pingaarnertut apparsaaqataassaaq, eqqagassallu ataatsimoortut/immikkoortiterneqanngitsut kukkusumik immikkoortiterinermut akitsuutinut ilanngunneqassallutik, taakku eqqakkat Eqqagassaleriffimmi suliareqqinnerani matussutaasussaapput.

Immikkoortiterinissamut piumasaqaateqarnerunikkut atoqqiinissamut atorluanaanissamullu periarfissat pitsaanerulissammata, eqqagalerinermi nalinginnaasumik sulisunik atorluanikkut siuarsaasoqarnissaa malittarisassiat kinguneqassasut naatsorsuutigineqarpoq.

Inatsisitigut tunngavissaq allakkallu tunngaviusumik uppersaatitallit

Atoqqiisarnissap siuarsarneqarnissaa kommunimilu eqqagassanik passussisarnermit avatangiisinut kingunerlutsitsisarnerit annikilliniarlugit Kommuneqarfik Sermersuumut Eqqagassat pillugit pilersaarummi pingaarnertut anguniakkat naapertorlugit malittarisassianut nutaanut naapertuupput. Kommunimi annertunerusumik atoqqiisarnissaq politikikkut anguniakkat malittarisassiatigut nutaatigut sukumiisumik siuarsarneqassaaq (eqqagassat pillugit pilersaarummi anguniakkat arfineq-aappaat). Tamatumunnga peqatigitillugu 2018-imut kommunip akigititaasa suliarineqarneri ilutigalugit malittarisassiat suliarineqarput, ilaatigut malittarisassiani eqqarsaataasut isumaliutaasullu akigititanut nuunneqartarlutik.

Ingerlariaqqinnissaq

Malittarisassiat akuersissutigineqassappata tamanut saqqummiunneqassapput aammalu 2018-ip aallartinneraniit "ingerlatsinermut" ilanngunneqassallutik.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit inassuteqaatit innersuussutigai, pissutigalugu eqqagassat pillugit malittarisassiat 2018-imullu akigititat allattorsimaffii naleqqussarneqassasut allatseqarfimmit maluginiarneqarmat.

Siusinnerusukkut aalajangerneq:

Sanarfinermut Avatangiisinullu Ataatsimiititap 22. januaari 2018-mi aalajangernera:

Inassuteqaat imatut oqaaseqaatitalerlugu akuerineqarpoq:

- ukiumi siullermi pissutsit pillugit Ataatsimiititaq ilisimatinneqartassasoq qanimullu peqataatinneqassasoq aamma
- eqqagassat pillugit malittarisassiat nutaat innuttaasut sukumiisumik pitsaasumillu ilisimatinneqartarnissaat qulakkeerniassammagu Ataatsimiititami siulittaasoq malittarisassiat pillugit qaammarsaanermut Ataatsimiititami siulittaasoq peqataassasoq.

Innuttaasunik peqataatitsineq/Attaveqaqatigiinneq

Malittarisassiat nutaat tamanut saqqummiunneqarnerini paasissutissiisoqarumaarpoq, taannalu naapertorlugu kommunimi eqqakkanik tunniussisarneq immikkoortiterisarnerlu pillugit malittarisassat nutaat suliffeqarfinnut innuttaasunullu maluginiaqquneqassapput, kiisalu nutaatut piunasaqaataasut kingunerisaannik avatangiisinut sunniutaasussat ilanngullugit maluginiaqquneqassallutik.

Ilanngussat

1. 2018-imut Inuussutissarsiortut eqqagaat pillugit malittarisassiat
2. 2018-imut Inoqutigiit eqqagaat pillugit malittarisassiat
3. 2018-imut akigititat allassimaffiat

Punkt 05C: Nuup nutaamik Pingaarnertut Aqqissuunneqarnera

Beslutning

Inassuteqaatit akuerineqarput.

Bilag

SAI-BYPLAN-Høringssvar Bilag_1_KAL.docx

Bilag 2 dk kal.pdf

Nuup nutaamik Pingaarnertut Aaqqissuunneqarnera

Pingaarnertut Aaqqissuussap nutaap aamma kommunimut pilersaarutitut tapiliussat 37-t inaarutaasumik akuersissutigineqarneri

Aalajangiiffigisassaq

J. nr.: 16.03.01.01-P15-1-17

Sanarfinermut Avatangiisinullu Ingerlatsivik – pisortaagallartoq, Hans Henrik Winther Johannsen / HHWJ

Suliassamik eqikkaaneq

Kommuneqarfik Sermersuup Illoqarfiit pingaarnersaat pillugu periusissiaani anguniakkat piviusunngortinniarlugit, Nuummi Pingaarnertut Aaqqissuunneqarnerup nutaap kommunimullu pilersaarutitut tapiliussat 37-t siunnersuutigineqarneri sap. ak. 10-ni tamanut tusarniaassutigineqarput.

Tusarniaasoqarnerata nalaani Katuami "Kommune ammasoq" tamanut aaqqissuussatut ingerlanneqarpoq, Kommunimit quppersagaq Siorarsiorfik Nuummi inoqutigiinnut agguaanneqarpoq, aamma pilersaarutip annertoqisup tunngavia tusarniaassutaasullu tunngavii pillugit paasisstissiiniarluni ingerlatsiviup illoqarfimmi siunnersuisartut Tegnestue kiisalu Ingeniøreqarfiit pulaarpai. Tusarniaasoqarnerata nalaani tusarniaassummut akissuteqaatit 11-t tiguneqarput kingunerisaannillu kommunimut pilersaarummi annikitsunik iluarsisoqarluni. Ilanngussaq 1 innersuussutigalugu.

Sanarfinermut Avatangiisinullu Ataatsimiititap suliaq 22. januar 2018 ataatsimiinnerminni akueraat aammalu Aningaasaqarnermut Inuussutissarsiornermullu Ataatsimiititamut Kommunalbestyrelsimullu ingerlateqqillugu.

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- Nuummi Pingaarnertut Aaqqissuunneqarnerup Nutaap taavalu kommunimut pilersaarutitut tapiliussat 37-t akuersissutigineqassasut, aammalu
- suliaq Kommunalbestyrelsimut pisortatigoortumik atuutilertussanngorlugu inaarutaasumillu akuerisassanngorlugu ingerlateqqissagaa

Suliassamik saqqummiussineq

Nuup Issittumi illoqarfiit pingaarnersaattut siuarsarnissaa tunngavigalugu Nuummi Pingaarnertut Aaqqissuussaaneq nutaaq suliarineqarpoq, aammalu inissialiornissamut, atuarfiliornissamut, atuarfintut attuumassutilinnik sunngiffimmi sammisassaqartitsinernik sanaartornissanut meeqqerivinnik meeraaqqeriviutigisunik sanaartornissanut illoqarfimmi amigaataaqisunik sanaartornissamut aqputissiuussilluassalluni.

Illoqarfimmi innuttaasut ullumikkut 18.000-ngajaasut akornanni pissusissamisunngitsumik ullutsinnullu naleqqutinngitsumik ineqartut amerlaqaat. Illoqarfimmut ukiut tamaasa maanna nuuttartut 200-t aamma 300-t akornaniimmata, meeqqerivinni inissat ikiliartorput, maannalu illoqarfimmi meeqqat paaqqutarineqartarnissaannut atuarfimmilu periarfissaqartinneqarnissaannut qulakkeeriniarneq ajornartorsiutaangaatsialereerpoq.

Kommunalbestyrelsimut ilaasortat tamarmiusut isumaqatigiinnermikkut 2016-imi upernaakkut Illoqarfiit pingaarnersaat pillugu periusissiap anguniagaqarfiulluartup takorluugaqarfiulluartullu akuersissutigineqarneranit, 2016-imi oktobarip qaammataani Siorarsiorfik pillugu pilersaarutip aallartisarnissaa akuersissutigineqarpoq, 2016-imi novembarimi Missingersuutit 2017-2020 akuersissutigineqarput, 2016-imi decembarimi pilersaarut pillugu politikikkut allaffissornikkullu aqutsisoqatigiit akuersissutigineqarput, illoqarfiup inerisarneqarnissaanut pilersaarut illoqarfiullu

inerisarneqarnissaanut piginneqatigiiffiup kommunip pigisaata pilersinneqarnissaa 2017-imi januaarimi februaarimilu akuersissutigineqarpoq, kiisalu 2017-imi februaarimi illoqarfiup inerisarneqarnissaanut pilersaarutip tamanut saqqummiunneqarnerani uppernarseqqinneqarpoq, NCD-mut pilersaarut pitsaasumik ineriartortoqassappat pisariaqarluinnartog.

Tunngaviusumik najoqqutassaq

Pilersaarut piviusunngortinniarlugu Nuuk pingaarnertut aaqqissuunneqarnera kommunimut pilersaarummi sersersooq2028.gl-imi nutarterneqarnissaa pisariaqarpoq, pisariaqartumillu kommunimut pilersaarummut tapiliussamik suliaqartoqarluni.

Kommunimut pilersaarutip pingaarnertut ilusaani ineriartortitsinissamut nunaminertanillu atuinissamut pingaarnertut anguniakkat ersiutaapput, aammalu kommunalbestyrelsip soqutiginnittunik misissuisitsineranut naapertuulluni.

Kommunalbestyrelsip 3. oktobari 2017-imi ataatsimiinnermini aalajangerpaa "Nuup nutaamik pingaarnertut aaqqissuunneqarnissaanut siunnersuut" tassungalu ilaatinneqartut kommunimut pilersaarutitut tapiliussat 37-t sapaatip akunnerini 10-ni tamanut tusarniaassutigineqassat. Tusarniaassuteqarnerup nalaani innuttaasut aalajangiinissamut peqataatinniarlugit kommune arlalitsigut suliniuteqarpoq. Katuami "Kommune ammasoq" tamanut aaqqissuussatut ingerlanneqarpoq, Kommunimit quppersagaq Siorarsiorfik Nuummi inoqutigiinnut agguanneqarpoq, aamma pilersaarutip annertoqisup tunngavia tusarniaassutaasullu tunngavii pillugit paasisutissiiniarluni ingerlatsiviup illoqarfimmi siunnersuisartut Tegnestue kiisalu Ingeniøreqarfiit pulaarpai.

Tusarniaassuteqarnerup nalaani piffissaatillugu illuatungerisanit 10-nit tusarniaassummut akissuteqartoqarpoq tusarniaassuteqartoqareerneratalu kingorna illuatungerisamit ataatsimit tiguisoqarluni.

Aningaasaqarnermut Akileraartarnermullu Naalakkersuisoqarfiup tusarniaassummut akissuteqarnermini naliliinera naapertorlugu, pilersaarutitut siunnersuutaasoq Pilersaarusiornermut inatsimmi § 11 naapertorlugu nuna tamakkerlugu pilersaarutitigut soqutigisanut naapertuuppoq, aammalu pilersaarutitut siunnersuummut missingiutaasumik oqaaseqaateqarluni.

Tusarniaassutitut akissuteqaataasut suliarinerisa kingunerisaanik pilersaarummik tunngaviusumik allannguisoqanngilaq, taamaallaalli aaqqissuunneqarnerata ilai iluarsineqarlutik. Tusarniaassummut akissutaasut tamarmik ilanngussaq 2-mi takuneqarsinnaapput, tusarniaassutinullu akissuteqaatit ingerlatsivimmit suliarineqarneri ilanngussaq 1-imi takuneqarsinnaallutik.

Aaqqiissutissatut siunnersuut – suliatigut naliliineq

Siorarsiorfik pillugu pilersaarutip kommunalbestyrelsip takorluugaatut tamakkiisumik piviusunngortinniarneqarnerani, kommunimut pilersaarutitut tapiliussat ilaatillugit kommunimut pilersaarutitigut Nuummi Pingaarnertut Aaqqissuunneqarnerup allanngortinniarneqarnera Sanarfinermut Avatangiisinullu Ingerlatsivimmit naliliineq naapertorlugu pitsaasimaqaaq naammassiuminarsagaallunilu.

Ineriartortitsineq siunissami qulakkeerniarlugu aalajangersakkat inissaqartitsilluartut kommunimut pilersaarutitut tapiliussanut 37-niittunut asuliinnaangitsumik aalajangersakkatut toqqarneqarput. Aalajangersagannortussat eqqarsaatigalugit aammali saqqummersitaq siullermi ilusissatut najoqqutassamit maleruagassat kommunillu Illuliortaatsimut politikkaa eqqarsaatigalugit immikkoortut ineriartortinnissaannut suliaasat pillugit ingerlatsivimmit assut qilanaarineqarpoq. Nuummi Pingaarnertut Aaqqissuussami Nutaami immikkoortut piorsarneqarneri ilutigalugit Ilusissatut najoqqutassap malinnaatiitarnissaa siunertaavoq.

Immikkuualuttut tamarmik kommunimi ineriartortitsinissamut pilersaarutitut toqqaannartumik ilanngussuunneqassapput, taakkulu Pilersaarusiorneq aamma nunaminertat atorineqarnerat pillugit Inatsisartut inatsisissaat nr. 17, 17. november 2010-meersumi § 38, imm. 3 naapertorlugu Kommuneqarfik Sersersuumit toqqaannartumik atorineqarsinnaapput imaluunniit pisortat

inuilluunniit ataasiakkaat siunertaannut ineriartortitsinermut ingerlatseqatigiiffimmit kommunimit tamakkiisumik pigineqartumit toqqaannangitsumik atorneqarsinnaallutik.

Sanaartugassartai eqqarsaatigalugit pilersaarut angisuupilussuuvoq, kisianni kommunip digitalikkut kommunimut pilersaarutaa sermersooq2028.gl-ikkut inaarutaasumik politikikkut akuersissuteqareernerup tamanullu nalunaaruteqareernerup kingorna, kommunip digitalimik pilersaarutaa sermersooq2028.gl-imi pingaarnertut aaqqissuunneqarsimasutut ataasiinnartut saqqumitinneqassaaq tassaniissappullu aalajangersakkanik pingaarnernik sukumiisunillu nassuiaatitallit kommunimut pilersaarutitut tapiliussat immikkoortitat 37-t.

Aningaasaqarnikkut sulisoqarnikkullu naliliinerit

Pilersaarutip suliarinera kommunimut pilersaarusionerup ilagivaa, aningaasatigut immikkut kinguneqarnikuunngitsut.

Inatsisitigut tunngavissaq allakkallu tunngaviusumik uppersaatitallit

Pilersaarusionerup aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq & Kommunimut pilersaarut digitaliusoq www.sermersooq2028.gl

Ingerlariaqqinnissaq

Politikikkut inaarutaasumik akuersissutigineqareerpata, kommunimut pilersaarummi Pingaarnertut Aaqqissuunneqarnera immikkuualuttullu 37-t aaqqissuunnissaannut ilanngussaq 1 naapertorlugu, aamma pilersaarusionerup inatsimmi § 25 Kommunimut pilersaarutit inaarutaasumik akuersissutigineqartartut tamanut nalunaarutigineqarneri naapertorlugit ataatsimut pilersaarutip tamanut saqqummiunniissaanut ingerlatsivik sap. ak. 12-nik periarfissaqarpoq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqaatissaqanngilaq tusarniaassumullu akissuteqaataasut allannguissamik nassataqartitsinnginneri pitsaasutut qisuariarfigalugit.

Siornatigut aalajangerneq

Sanarfinermut Avatangiisinullu Ataatsimiititap 22. januar 2018 aalajangernera:
Inassuteqaatit akuerineqarput.

Innuttaasunik peqataatitsineq/attaveqatigiinneq

Pilersaarut tamanut saqqummiussassanngortillugu Aningaasaqarnermut Akileraartarnermullu Naalackersuisoqarfimmi oqartussaqaarfinnut nassiussassatut allassimaffiannut, kiisalu kommunip nittartagaatigut aamma Nuuk Ugeavisikkut saqqummiussassanngortinneqassapput.

Ingerlatsivinnit allanit oqaaseqaatit

Ingerlatsivinnit allanit oqaaseqaatinik pissarsiniartoqarsimanngilaq.

Ilanngussaq

1. Tusarniaassummut akissutit ingerlatsivimmit suliarineri.
2. Tusarniaassummut akissutaasut tamarmik

Punkt 05D: Pisortanit ikiorsiissutinik tunniussisarnerup periusaanik allannguissamik siunnersuutip paasissutissartaa

Beslutning

Ilisimatitsissut tusaatissatut tiguneqarpoq aammalu ilisimatitsissutitut Kommunalbestyrelsimut ingerlateqqinneqarluni.

Pisortanit ikiorsiissutinik tunniussisarnerup periusaanik allannguinissamik siunnersuutip paasissutissartaa

Ilisimatitsissut

J.nr: 41.01

Isumaginninnermut Suliffeqarnermullu Ingerlatsivik – pisortaagallartoq Kista Lynge Høegh / KILH

Suliassamik eqikkaaneq

Maajip ulluisa 24-anni Kommunalbestyrelsimi ilaasortap Laura Táunâjik-p (S)

Kommunalbestyrelsimut aalajangigassanngorlugi siunnersuut nassiuppaa. Laura Táunâjik-ip kissaatigaa, Kommunalbestyrelsip pisortanit ikiorsiissuteqartarnermi periuseq allanngortillugu pisissutissamik allagartamik tunniussisalernissaq pillugu oqaluuserissagaa. Siunnersuut aalajangigassaq (04P) juunip ulluisa 13-it 2017 Kommunalbestyrelsip suliaraa, tassani kommunalbestyrelsip amerlanerussuteqarluni, Inuit Ataqtigii Demokraatit Atassutillu siunnersuut itigartitsissutigaa. Aamma kommunalbestyrelse katersuuffigalugu Isumaginninnermut Suliffeqarnermullu Ataatsimiititaq qinnuigaa periarfissat misissoqqullugit peqqussutillu maanna atorneqarnera pillugu misissueqqullugu.

Suliaq Isumaginninnermut Suliffeqarnermullu Ataatsimiititap 16. januar 2018 ataatsimiinnerminni oqaluuseraat, tusaatissatut tigullugu aammalu Aningaasaqarnermut Inuussutissarsiornermullu Ataatsimiititamut Kommunalbestyrelsimullu ingerlateqqillugu.

Inassuteqaat

Isumaginninnermut Suliffeqarnermullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq, aammalu
- ilisimatitsissut kommunalbestyrelsimut ingerlateqqinneqassasoq.

Suliassamik saqqummiussineq

Kommunalbestyrelsip piumasaqarnera naapertorlugi Isumaginninnermut Suliffeqarnermullu Ingerlatsiviup periarfissat misissorpai peqqussutillu maanna atorneqarnera misissorlugi.

Pisortanit ikiorsiissutit pillugit Inatsisartut peqqussutaat kapitel 5, § 17 naapertorlugi Pisortanit ikiorsiissutit tiguisissamut aningaasanngorlugit tunniunneqarsinnaapput, aningaaserivimmut assigisaanulluunniit, imm. 2 innersuussutigalugu. Taarsiulluguli Pisortanit ikiorsiissutit takuuk § 17 imm. 2 aningaasanngornagit imaluunniit toqqaannartumik akiliisitsisussamut tunniunneqarsinnaapput pissutsit immikkuullarissut pineqarpata. Pisortanit ikiorsiissutit tungaviatigut tunniunneqartarput, § 18, imm. 1 pilersuinnermut akiligassanullu aalajangersimasunut siuoorlutik ullut 14-ikkaarlugit tunniunneqartarnissaat innersuussutigalugu. Innersuussutigineqarluni § 18 imm. 2 Kommunalbestyrelse qaqutigoorluinnartumik piffissamut sivikinnerusumut tunniussisinnaavoq, qinnuteqartup ikiorsiissutit nammineerluni aqussinnaanngikkai naliliisoqarpat. Kommunalbestyrelsip naliliinermini immikkut isiginiartussaavi meerartaasinnaasut pisariaqartitaat isiginiarneqarsimanersut.

Namminersorlutik Oqartussat nalunaarutaat nr 4. 15. marsi 2007-meersoq naapertorlugi pisortanit ikiorsiissutit tunniuttarnerannut tunngatillugu, iliuusissatut pilersaarusiorderit piareersimanerillu il.il. § 16-imi allaqqavoq: Aningaasanngornagit ikiorsiissutinut ikiorsiinnermi akiliuteqartarneq imaluunniit toqqaannartumik akiligassanngortitsilluni allatsitsisarneq siullermeerlutik saaffiginnissuteqartunut tunniunneqarsinnaanngillat, aatsaalli paasineqarsimatillugu, pineqartumit ikiorsiissutit atonerlunneqartartut, imaluunniit ikiorsiissutinik nammineerluni aqutsisinnaanngitsoq, takuulli imm. 3.

Imm. 2. Kommunalbestyrelsimit aningaasanngornagit ikiorsiissutinut tunniussinermut aalajangiilernermit immikkut isiginiarneqassaaq, qitornaasinnaasut pisariaqartitsinerat eqquutsinneqarnersoq.

Imm. 3. Nammineerluni pisuussutigalugu pissaaleqisoqalersimappat, imaluunniit meeqqat immikkut ittumik isiginiarneqalersillugit, aningaasanngornagit ikiorsiissutinik siullermeertumik saaffiginnissuteqartumut pisortanit ikiorsiissutinik akiliussisoqartassaaq.

Aaqqiissutissatut siunnersuut – suliatigut naliliineq

Inatsisip takutippaa, pisortanit ikiorsiissutit aningaasanut taarsiullugu pisissutissamik allagartamik tunniussisalernissaq periarfissaanngitsoq, paasinarmammi ikiorsiissutisisup ikiorsiissutinik atornerluinera imaluunniit aqutsisinnaannginnera aatsaat pineqarpat tamanna pissasoq. Tamatuma saniatigut inatsimmi allaqqavoq, Kommunalbestyrelse pilersuinermit aningaasartuutinullu piffissami sivikitsumi pisortanit ikiorsiissutinik allatut ajornarpat tunniussissasoq. Ingerlatsiviup aningaasanngornagit/allatsitsineq atortarpaa, immikkut ittumik pisoqartillugu, naliliinermi pisariaqarsorinarpat, taamaattorli eqqumaffigeqquneqarpoq, periuseq taanna allaffissornikkut suliaq annertummat, allagartanik tunioraanerup piffissaajaataanera peqqutigalugu.

Aningaasaqarnikkut sulisoqarnikkullu naliliinerit
Soqanngilaq.

Inatsisitigut tunngaviusut aamma allagartat uppernarsaatitut sinaakkusersuutaasut

Pisortanit ikiorsiissutit tunniunneqartarnerat pillugit Inatsisartut nalunaarutaat nr. 15. 20 november 2006-imeersoq

Pisortanit ikiorsiissutit tunniunneqartarnerat, iliuusissatut pilersaarutit, sulisinnaassuseq il.il. pillugit Namminersornerullutik Oqartussat nalunaarutaat nr. 4, 15. marsi 2007-imeersoq.

Ingerlariaqqinnissaq

2017-imi oktobarip qaammataa Kommuneqarfik Sermersuumi innuttaasut pingasut pissutsit immikkut ittut tunngavigalugit. Ingerlatsiviup aningaasanngornagit tunisisinnaaneq ingerlatiinnarniarpaa pissutsit immikkut ittut pineqartillugit.

Aningaasaqarnermut Allatseqarfirmmit oqaaseqaatit

Suliami matumani Aningaasaqarnermut Allatseqarfik oqaaseqartinniassallugu ingerlatsivimmit pisariaqarsorineqanngilaq.

Siornatigut aalajangerneq

Isumaginninnermut Suliffeqarnermullu Ataatsimiititap 16. januar 2018 aalajangernera:

Ilisimatitsissut tusaatissatut tigunqarpoq aammalu Aningaasaqarnermut Inuussutissarsiornermullu Ataatsimiititamut Kommunalbestyrelsimullu ilisimatitsissutissatut ingerlateqqinneqarluni.

Innuttaasunik peqataatitsineq/Attaveqaqatigiinneq

Soqanngilaq

Ingerlatsivinniit allaniit oqaaseqaatigineqartut

Ingerlatsivinnit allanit oqaaseqaateqartitsisoqanngilaq

Ilanngussaq

Soqanngilaq

Punkt 05E: PANAM 2018-imut taperneqaqqinnissamut qinnuteqaat

Beslutning

Inassuteqaatit akuerineqarput.

Bilag

BILAG_PANAM2018-Skrivelse-fra-Grønlands-Håndbold-Forbund_KAL.docx

PANAM 2018-imut taperneqaqqinnissamut qinnuteqaat

Aalajangiiffigisassaq

J.nr.:55:02

Meeqqanut Atuarfeqarnermullu Ingerlatsivik – pisortaq Helene Broberg Berthelsen / HEBE

Suliassamik eqikkaaneq

Meeqqanut Atuarfeqarnermullu Ingerlatsivik PANAM 2018 ingerlanneqarnissaanut Kalaallit Nunaanni assammik arsaattartut Kattuffianiit (GHF) 1,5 mio. koruninik aningaasartalimmik qinnuteqaammik tigusaqarsimavoq. Qinnuteqaammut toqqammavigineqarput siusinnerusukkut aningaasartuutissat missingersuusiarineqarnerannut tunngavissatut aalajangersakkat, taakkuusullu Kalaallit Nunaata unammersuarnissamut ingerlatsinissaanut akuerineqarneranut maannakkumut toqqammagivineqartut, allanngornerat, ilaatigut ataqatigiissaarinissat kiisalu timmisartunut aningaasartuutit ilimagisamit annertunerunerat peqquataallutik.

Meeqqanut Atuarfeqarnermullu Ingerlatsivik 2018-imi 1,0 mio. koruunit tapiissutissatut akuerineqareersut saniatigut PANAM2018-imut tapiissutissanik immikkoortitsinikuunngilaq. Tamanna pissutigalugu Meeqqanut Atuarfeqarnermullu Ingerlatsiviup innersuussutigaa, qinnuteqaat akuerineqassappat, kommunip karsianit tapiissutit aningaasalerneqassasut.

Meeqqanut Atuarfeqarnermullu Ataatsimiititap suliaq 22. januar 2018 ataatsimiinnerminni akueraat.

Inassuteqaatit

Meeqqanut Atuarfeqarnermullu Ataatsimiititap Aningaasaqarnermut Inuussutissarsiornermullu Ataatsimiititaliamut innersuussutigaa:

- Qinnuteqaat akuerineqassasoq,
- Tapiissutit kommunip karsianik aningaasalersorneqassasut, aamma
- suliaq Kommunalbestyrelsimut akuerisassanngorlugu ingerlateqqinneqassasoq.

Suliassamik saqqummiussineq

Kalaallit Nunaanni assammik arsaattartut Kattuffiat PANAM 2018 ingerlanneqarnissaanut 1,5 mio. koruuninik aningaasartalimmik aammaarlutik qinnuteqaammik tunniussipput.

Qinnuteqaammut toqqammavigineqarput, siusinnerusukkut aningaasartuutissat missingersuusiarineqarneranut tunngavissatut aalajangersakkat allanngorsimanagerat. Tapiissutinik arlaqarnernik pisariaqartitsineq peqquteqarpoq aningaasarsiornermut tunngavissatut siunniussat ilaasa piviusunngunngitsoornissaat. Aningaasartuutit ilaatigut annertuumik qaffariarsimapput, aamma unammersuarnissaq ilimagisamit niuerutigineqarnissaminut naleqarpallaarsimangilaq, naak missingersuusiornermi tamanna naatsorsuutigineqarsimagaluartoq.

Kalaallit Nunaata unammersuarnissamut aqqiussuussinissaata piviusunngortinneqarneranut piimasaqaataasut ilagaat Amerika kujallermiit, Amerika qiterlermiit kiisalu Amerika avannarlermiit peqataasussat Mexico-miit/Panamiit Nuummumut timmisartumik attartornikkut ingerlanneqarnissaat qulakkeerneqassasoq. Tamannalu naatsorsuutigisamit marloriaammik akeqassasoq paasineqarpoq. Taassumalu saniatigut unamminarsimavoq timmisartumik amerlasuunik ilaasoqarsinnaasumik pissarsinissaq, tamannalu aamma GHF-p aningaasartuutaanut annertusaataasut ilagaat. Maannakkumut timmisartumik angallassinissat aningaasartuutissanit kisiartaapput. Timmisartuussinissat tamarmik, Kalaallit nunaata iluani timmisartuussinissat ilanngullugit, missingersuutit 15,0 mio. koruuniusut iluanni 7,0 mio. koruunit tungaanut akeqarput. Taakkulu saniatigut aningaasartuut annertoq, tassalu inissaqartitsiniarneq (3,2 mio. koruunit missaaniippoq).

Aaqqiissutissatut siunnersuut – suliatigut naliliineq

Ukiunut 2017-mut 2018-mullu agguarneqartussanik tapiissutinik katillugit 2,0 mio. koruuninik tunniussisoqarneratigut, suliatigut naliliinermi ersippoq, Ingerlatsivup innersuussutigigaa AWG-mut pilersaarut assigalugu assigiimmik tunngavissaqarluni ingerlanneqassasoq, tassa aaqqiissuisoqarluni (hosteqarluni), aqutsisoqarluni ulluinnarnilu aqutsisoqarluni. Matumani aningaasaqarnerup aqunneqarnera eqqarsaatigalugu pingaarnertut inissisimanissaa, pissutigalugu aningaasartuutit aqunneqarsinnaajunnaarnissaat kommunimut iluaqutaanaviangimmata. Meeqqanut Atuarfeqarnermullu Ingerlatsiviup ilungersornartutut isigaa, qaammatit arfineq pingasut qaangiutiinnartut naatsorsuutigineqarmat aningaasat 5,0 mio. koruuningajaat amingaatigineqartut, taakkulu saniatigut aarlerinartortaqlarluni suli 1,5 mio. koruunit amingaatigineqarnissaat. Taamaattoq Meeqqanut Atuarfeqarnermullu Ingerlatsiviup oqaatigerusuppaa, ingerlatsinermut komitiip kiisalu Kattuffiup aningaasaqarniarnertik ilisimaaralugu, tassani ilanngullugit tapiissutit isertitassatullu naatsorsuutigineqarsimasut allanngornerat ilisimaaralugit, iliuseqarnerat ersarimmat. Soorlu Kattuffiup aalajangersimagaa sammisassaqaartitsinerit annikillineqassasut aningaasartuutissat annikillisarinarlugit.

Aningaasatigut sulisoqarnikkullu naliliinerit

Ullumikkut PANAM 2018 15,2 mio. kr.-nik missingersuuteqarpoq. Isumaqatigiissutit sponsorillu katillugit 8,5 mio. kr.-nit matussusissavaat, taakkulu saniatigut neriorsuutit isertitassatullu naatsorsuutigineqartut 1,7 mio. kr.-nit naatsorsuutigineqarput. Tassani ilaatinneqanngillat isertitassatut naatsorsuutigineqartut piviusunngortinneqarsinnaanerminnut nalornisitsisut. Taamaattumik pilersaarussiaq ullumikkut 4,9 mio. kr.-inik amingaateqarpoq, taakkulu saniatigut aarlerinartortaqlarluni suli 1,5 mio. kr. amingaatigineqarnissaat.

Kommuneqarfik Sermersooq 2017-mi 1,0 mio. kr. siunertamut tapiivoq, soorlu kommunip aamma ilimasaarutigereeraa 2018-mi 1,0 mio. kr. tapiiniarluni.

Qinnuteqaat akuerineqassappat, taamalu 1,5 mio. kr.-inik tapiisoqassappat, Meeqqanut Atuarfeqarnermullu Ingerlatsiviup innersuussutigigaa aningaasat immikkut aningaasaliissutitut kommunip karsianit aaneqassasut, tamanna peqquteqarpoq Ingerlatsiviup 2018-mut missingersuutinut siunertamut aningaasartuutissanik immikkoortitsisimanginnera.

Inatsisitigut tunngavissaq allakkallu tunngaviusumik uppernarsaatitallit

Illoqarfiit pingaarnersaat pillugu periaasissaq

Ingerlariaqqinnissaq

Innersuussutigineqartut akuerineqarpata tapiissutit 2018-imi kvartalip siulliup naalernerani tunniunneqassapput.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfiup maluginiarppaa ilassutitut aningaasaliissutit sularineqarneranut atatillugu ilanngunneqarsimangitsaq, tamannalu naapertuutinngilaq.

Siornatigut aalajangerneq

Meeqqanut Atuarfeqarnermullu Ataatsimiititap aalajangernera 22. januar 2018-imeersoq:
Inassuteqaatit akuerineqarput.

Innuttaasunik peqataatitsineq/attaveqaqatigiinneq

Soqanngilaq

Ingerlatsivinniit allaniit oqaaseqaatigineqartut

Soqanngilaq

Ilangussaq/Ilangussat

1. Ilangussaq PANAM 2018 – Kalaallit Nunaanni assammik arsaattartut Kattuffiata allakkiaa.

Punkt 6: Taasariaqartut allat

Beslutning

Peter Davidsen (S): Kalaaliaqqap qaliani akuerisaanngitsumik tuniniaasoqartarnera eqqartorneqartartoq eqqaavaa. Sanarfinermut Avatangiisinullu Ingerlatsiviup suliaq misissussavaa.

Punkt 7: Suliat matoqqasut

Punkt 07A: Lukket

Punkt 07B: Lukket

Punkt 07C: Lukket

Punkt 07D: Lukket

Punkt 07E: Lukket

Punkt 07F: Lukket

Punkt 07G: Lukket

Punkt 07H: Lukket

Punkt 07I: Lukket

Punkt 07J: Lukket

Punkt 07K: Lukket

Punkt 07L: Lukket

Punkt 07M: Lukket

Punkt 07N: Lukket

Punkt 07O: Lukket

Punkt 07P: Lukket

Punkt 07Q: Lukket

Punkt 8: Imaqarniliap akuerineqarnera

Beslutning

Imaqarniliaq akuerineqarpoq nal. 17:15